

2009 წელი, 2 - 8 აპრილი

ფასი 90 თეთრი



# ახალი ტენათლეტა

№12 (446) ბაზოლის 1998 წლიდან



ირაკლი ფარჯიანი, „ხარება“

გაიხსენი  
საქართველოს  
აქვე  
გისიან ბაბიძს  
სიგოლისკურ  
ლექსებში  
გვერდი 3-4

რეკონსტრუქციული  
სახელმძღვანელოს  
გრიფის  
პინიჭების  
წესი  
გვერდი 5-7

რას უიქრობენ  
ვეთორეპეგეკლასელები  
სახელმძღვანელოების,  
ეროვნული გამოცდების,  
რეპეტიტორების და  
თორმეტწლიანი  
სწავლების შესახებ  
გვერდი 9

ცდები სახლისო  
ქიმიდან  
გუნების  
გაქვეთილი  
გვერდი 8-11

# კონკურსი „ვკითხულობთ რუსთაველს“



განაცხადი წარმოადგინეთ მისამართზე:  
თბილისი, №24 საჯარო სკოლა, ბაძოხ ქუჩა №1  
საკონტაქტო პირი – პროექტის ხელმძღვანელი თამარ ბარისაშვილი  
ტელ. 877 24 77 67, E-mail: barisashvili@mail.ru

თბილისის № 24 საჯარო სკოლა და შოთა რუსთაველის ქართული ლიტერატურის რუსთაველთა კვლევის ცენტრი საქართველოს საჯარო სკოლის მოსწავლეებსა და პედაგოგებს გთავაზობთ ტრადიციულ კონკურსში მონაწილეობას

პროექტი „ვკითხულობთ რუსთაველს“ უკვე მეექვსედ ხორციელდება და ამჯერადაც მონაწილეობის ქართულთათვის უპირველესი წიგნის უკეთ გასაცნობად. პროექტის მიზანია ამ პოემისადმი XXI საუკუნის მოსწავლე ახალგაზრდობის გააზრებული დამოკიდებულების ჩამოყალიბება, მარადიული სულიერი კავშირის შექმნა. პროექტში მონაწილეობის მიღება შეუძლიათ აგრეთვე ქვეყნის ყველა საგანმანათლებლო დაწესებულებას – უმაღლესი სკოლის სტუდენტებსა თუ ლექტორებს, კოლეჯებსა და ლიცეუმის მოსწავლეებს.

კონკურსანტებს საშუალება ეძლევათ, 5-8 წუთის რეგლამენტში, სასურველ ენაზე წარმოადგინონ შერჩეული ეპიზოდები, ინსცენირება თუ ამ პოემისადმი შექმნილი დამოკიდებულება ესესეს, ჩანახატის, პოეტური ნამუშევრის სახით.

მონაწილეთა შეფასებისას განსაკუთრებული ყურადღება დაეთმობა მხატვრული კითხვის ხელოვნებას, პოემის მოქმედ, ცოცხალ სიტყვაში გარდასახვას, მართლმეტყველებას – ბგერათა სწორად და გარკვევით გამოთქმას, არაქართულთა მიერ ქართული ენის ფლობის ტექნიკას, სამსახიობო უნარ-ჩვევებს.

პროექტის ორგანიზატორები (თბილისის №24 საჯარო სკოლა, შოთა რუსთაველის ქართული ლიტერატურის ინსტიტუტი, კოტე მარჯანიშვილის სახელობის თეატრის მუზეუმი და საქართველოს პედაგოგთა და მეცნიერთა თავისუფალი პროფკავშირი) თხოვნით მიმართავენ ქალაქის, რაიონის რესურსცენტრებს, ადგილზე უზრუნველყონ კონკურსში მონაწილეთა შერჩევა.

პროექტში მონაწილეობის მსურველებმა, არაუგვიანეს 2009 წლის 31 მაისისა, უნდა წარმოადგინონ განაცხადი შემდეგი ინფორმაციით:

სკოლის დასახელება, იურიდიული მისამართი;

პროექტში ჩართულ მასწავლებელთა, მოსწავლეთა სია საკონტაქტო ნომრის მითითებით: (შერჩეული ეპიზოდის დასახელება, ორიგინალს ვკითხულობთ თუ თარგმანს) რეგისტრაციის შემდეგ, მონაწილეობის მსურველთ მიეცემათ ინსტრუქცია იმის შესახებ, თუ რა საშუალებებით გადაჭრან კონკრეტული ამოცანა.

კონკურსის დასკვნითი ტური ჩატარდება 2009 წლის 14 ივნისს.



სოხუმის სახელმწიფო უნივერსიტეტი

სოხუმის სახელმწიფო უნივერსიტეტში გაიმართა შეხვედრა აფხაზეთის ომში დაღუპული სტუდენტებისა და პროფესორ-მასწავლებელთა ოჯახის წევრებთან. ომის დროს 19 უნივერსიტეტელი დაიღუპა. სტუდენტებმა და აკადემიურმა პერსონალმა კიდევ ერთხელ გაიხსენეს ქართველი გმირები და პატივი მიაგეს მათ ხსოვნას.

1993 წლის 15-16 მარტი, ტრადიციულად, ფართოდ აღინიშნება ქართული საზოგადოების მიერ. ამ დღეებში ქართველმა მეომრებმა, ადგილობრივ მოსახლეობასთან ერთად, წარმატებით მოიგერიეს სეპარატისტების, დაქირავებულებისა და რუსული არმიის სადესანტო-სამშტურმო შენაერთების ერთ-ერთი ყველაზე მასშტაბური შეტევა სოხუმზე. შეტევა წარიმართა დიდი ცოცხალი ძალის, არტილერიის, სამხედრო ავიაციისა და სამხედრო-საზღვაო ძალების სრული მხარდაჭერით. ქართული არმიისა და ქალაქის მოსახლეობის ერთობლივი ძალისხმევით მონინალმდევე გაანადგურეს.

სოხუმის სახელმწიფო უნივერსიტეტში ომში დაღუპული გმირების მშობლებთან და ოჯახის წევრებთან შეხვედრა უკვე მეორედ გაიმართა. ამ ტრადიციას საფუძველი გასულ წელს ჩაეყარა და მომავალშიც გაგრძელდება.

უნივერსიტეტის ხელმძღვანელობამ დაღუპული მეომრების ახლობლებს სამახსოვროდ სინას მთის იესოს ორსახოვანი ხატი და საეკლესიო ნივთები გადასცა.

\* \* \*

26 მარტს, სოხუმის სახელმწიფო უნივერსიტეტში, აფხაზეთისადმი მიძღვნილი ღონისძიება გაიმართა. საღამო უნივერსიტეტის თვითმმართველობის კულტურის დეპარტამენტის ორგანიზებით ჩატარდა.

ღონისძიებას სოხუმის სახელმწიფო უნივერსიტეტის ადმინისტრაცია ესწრებოდა. საღამოს მონაწილეებსა და მოწვეულ საზოგადოებას სოხუმის სახელმწიფო უნივერსიტეტის რექტორის მოვალეობის შემსრულებელი ჯონი აფაქიძე მიესალმა და აღნიშნა, რომ სტუდენტურ თვითმმართველებს უნივერსიტეტის კულტურულ ცხოვრებაში დიდი როლი ენიჭება. წარმატებები უსურვა სტუდენტებს და მომავალშიც მსგავსი ღონისძიებების გამართვაში მხარდაჭერა აღუთქვა.

სტუდენტებმა ქართველი მწერლებისა და პოეტების შემოქმედება წარმოადგინეს. ღონისძიებაში მონაწილეობდა უნივერსიტეტის ფოლკლორული ანსამბლი ვეზდენ ოკუჯავას ხელმძღვანელობით. სტუდენტებმა მოწვეულ სტუმრებს თეატრალიზებული წარმოდგენა უჩვენეს.

მსგავსი ღონისძიება, თვითმმართველობის თაოსნობით, უნივერსიტეტში პირველად ჩატარდა. თვითმმართველობის კულტურის დეპარტამენტი საღამოების გამართვას მომავალშიც გეგმავს.



თეატრის საერთაშორისო დღესთან დაკავშირებით, საქართველოს შოთა რუსთაველის თეატრისა და კინოს სახელმწიფო უნივერსიტეტის ორგანიზებით, კოტე მარჯანიშვილის სახელობის სახელმწიფო აკადემიურ დრამატულ თეატრში ეტიუდების სტუდენტური ფესტივალი ჩატარდა.

წარმოდგენილი იყო მხოლოდ ეტიუდები, რომელთა ხანგრძლივობა 7 წუთს არ აღემატებოდა.

საუკეთესო ნამუშევრები შეფასდა ჟიურის მიერ და დაჯილდოვდა შემდეგ ნომინაციებში: I, II და III ადგილი, საუკეთესო მსახიობი ბიჭი, საუკეთესო მსახიობი გოგო, საუკეთესო სიუჟეტი, ჟიურის სპეციალური პრიზი და მაყურებელთა სიმპათია.

ჟიურის წევრები იყვნენ: გიორგი მარგველაშვილი, გიზო ჟორდანიას, გიორგი შალუტაშვილი, ვასილ კიკნაძე, კოტე ფურცელაძე და ნინო ლიპარტიანი.

ფესტივალი 28 მარტს საზეიმოდ დაიხურა.

ეტიუდების სტუდენტური ფესტივალი თეატრისა და კინოს სახელმწიფო უნივერსიტეტის კიდევ ერთი სიახლეა – ტრადიცია, რომელიც ყოველწლიურად წაახალისებს მომავალ თეატრალურებს.



## ეროვნულ სასწავლო ოლიმპიადებში მონაწილეობის სურვილი უპრეცედენტო რაოდენობის მოსწავლემ გამოთქვა

ეროვნულ სასწავლო ოლიმპიადებში დარეგისტრირებულ მონაწილეთა რაოდენობამ 130 ათასს გადააჭარბა. ცნობილია, რომ ყველაზე მეტი ოლიმპიელი ქართული ენისა და ლიტერატურის და მათემატიკის მიმართულებით ეჯიბრება ერთმანეთს.

### ოლიმპიელები საქართველოს ყველა რაიონის ყველა სკოლიდან დარეგისტრირდნენ. ოლიმპიადებში საქართველოს სკოლების 95% მონაწილეობს.

განათლებისა და მეცნიერების სამინისტროს ინიციატივით, სასწავლო ოლიმპიადები ყოველწლიურად ჩატარდება შემდეგ საგნებში: ქართული ენა და ლიტერატურა, მათემატიკა, ისტორია, გეოგრაფია, ფიზიკა, ქიმია, ბიოლოგია, ინფორმატიკა. ოლიმპიადა მთელი ქვეყნის მასშტაბით, 150-მდე ცენტრში მიმდინარეობს.

**ოლიმპიადის მიზანია:** ნიჭიერი მოსწავლეების გამოვლენა; სასკოლო რეფორმის ხელშეწყობა; სასკოლო ცხოვრების სტიმულირება; მოსწავლეების, პედაგოგების, სასწავლო პროცესის წახალისება; საქართველოს ნაკრების კანდიდატთა გამოვლენა საერთაშორისო ოლიმპიადებისთვის.

სასწავლო ოლიმპიადებში მონაწილე მოსწავლეთაგან 10 გამარჯვებული ეროვნული ნაკრების წევრი გახდება და მოსწავლეთა საერთაშორისო ოლიმპიადებში მიიღებს მონაწილეობას. ასევე გამოვლინდება 10 საუკეთესო სკოლა და ფულადი პრიზებით დაჯილდოვდება.

ოლიმპიადა ტარდება ქართულ, სომხურ, აზერბაიჯანულ და რუსულ ენებზე. დარეგისტრირდა 6 708 არაქართულენოვანი მოსწავლე. ქართულის, ფიზიკის, მათემატიკისა და ისტორიის მიმართულებით მონაწილეობს 10 უსინათლო მოსწავლე.

### ოლიმპიადებში, ასევე, მონაწილეობს გალის რაიონში მცხოვრები 157 მოსწავლე რაიონის 12 სკოლიდან.

წელს ოლიმპიადებიტარდება 2 ტურად (შესარჩევი და დასკვნითი ტურები); მომავალი წლიდან – 3 ტურად (შესარჩევი, რეგიონული და დასკვნითი ტურები); უპრეცედენტო მასშტაბის ოლიმპიადის პირველი, შესარჩევი ტური თბილისსა და ყველა რაიონულ ცენტრში 28-29 მარტს ჩატარდა, დასკვნითი ტური 2-3 მაისს ჩატარდება.

სასწავლო ოლიმპიადის გამომცემის ეროვნული ცენტრი ატარებს.



# მამისეული სარწმუნოების აღქმა ტიცციან ტაბიძის სიმბოლისტურ ლექსებში

მე-3 გვერდიდან

ამჯერად ორპირის სივრცეში უკვე აღარ იგრძნობა მამის მყოფობა, მამა გარდაიცვალა. მისი სულიერი მემკვიდრეობაც განქარდა, დარჩა მისგან მხოლოდ ოლარი. რადგან ოლარზე უკვე ობობების ქსელია გაბმული, ცხადად იკითხება ისიც, რომ შეიღმა არ იმემკვიდრა მამისეული საქმე, მამისეული რწმენა, მამისეული სარწმუნოება. მამის სიკვდილთან ერთად ცნაურდება მთელი სისავსით მისი დროის საზარელი სიტყვები: „ღმერთი მოკვდა“ და მამის მიერ გადახდილი წმინდა წირვის ადგილს ლექსში იკავებს „ქალდეას შავი მესა“.

რა სამყაროა ქალდეას სამყარო? რატომ დაფიქსირდა ის სრულიად მოულოდნელად შავ მესასთან ერთად? ქალდეა ხომ ტიცციან ტაბიძისათვის თითქოს არ იმოსებოდა ბნელით? ის ხომ წინაპართა დიდებულ წარსულთან იყო ასოცირებული:

*ძველი ქალდეა სწავს ოცნებას  
და ეძახის სულს  
ოქროს ლექსებში მე ვუმღერებ  
დიდებულ წარსულს.*

ქალდეასადმი სწრაფვაც ხომ წინაპართა ძველთუქველესი სამყაროსადმი მისწრაფებად იყო აღქმული? რატომ უნდა დაშორებოდა პოეტი მამისეულ სამყაროს, მამისეულ სინამდისს, თუკი ქალდეაც წინაპართა წიაღში აბრუნებდა მას? ან კი რატომ დაუპირისპირდა ერთმანეთს „მაგი წინაპარი“ და მამა? რასაკვირველია, წინაპარებისა და მამის ცნებები შეიძლება ურთიერთგაიგივებულადაც წარმოგვედგინა, ამის საფუძველზე მოგვეცემა მათი ერთიანობა სიტყვაში „მამა-პაპა“, სადაც მამა იმ უახლოეს წინაპარად არის აღქმული, რომლისგანაც ენიჭება პიროვნების მყოფობა. მამ, რა ნიშნით შეიძლება განსხვავდებოდნენ ერთმანეთისაგან მაგი წინაპარი და მამა? რა თქმა უნდა, ეს ნიშანი არის სჯული. მამისეული სარწმუნოება არ თანხვედება ქალდეველ წინაპართა წარმართულ რწმენას. წარმართობა უპირისპირდება ქრისტიანობას. ცხადია, ეს თემა მხოლოდ ტიცციან ტაბიძის პოეზიაში როდი დამუშავებულა. წარმართობისადმი და არაქრისტიანული რელიგიებისადმი ინტერესი ისეთივე მნიშვნელოვანი მახასიათებელია იმ ეპოქისა, როგორც თავად ქრისტიანული სარწმუნოებისაგან დაცილება. ტიცციან ტაბიძის ლექსებშიც ნათლად არის მითითებული, რომ, როცა იგი ქრისტიანულ მოძღვრებაში ვეღარ ვპოვევს ტრანსცენდენტურ სამყაროში გაჭრის გზას, ამ გზის ძიებას იწყებს წარმართობაში. მაგრამ ტიცციან ტაბიძეც ნათლად დაგვანახებს იმას, რომ მიღმიერი სამყაროსაკენ მიმავალი ყველა გზა როდია კურთხეული. მამისეული სჯულის დაკარგვის ტკივილს ენაცვლება ტკივილიანი შეგრძნება იმისა, რომ ახალრჩეული გზა შეიძლება მცდარი აღმოჩნდეს და ღმრთისმსახურების ნაცვლად ბოროტის მსახურებად მიიყვანოს პოეტი. ამასთანავე, ცხადია ისიც, რომ ეს ახალრჩეული გზა სინამდვილეში სულაც არ არის ახალი. ის წინაპართა ძველი გზაა, რომელიც წყშმარტი სჯულის მიღებით დამოპირფარა და უარყოფილი იქნა მამათა მიერ. მამისეულ გზას იმ წყშმარტი სივრცეში უნდა დაემკვიდრებინა პოეტი, რომელში დარჩენაც მან შინაგანად ვერ შეძლო. ვერ შეძლო მან ვერც უსაყდრო, მატერიალურ სივრცეში დარჩენა, რადგან სულგამოცლილი მატერია აღარ ფასობს სიმბოლისტურად. სწორედ ამიტომ იწყება მიღმიერების ძიება, რასაც თან სდევს შეგრძნება იმისა, რომ მამისეული სჯულისაგან დაცილილი სამყარო დაწყვეტილია და აპოკალიფსისათვის გამზადებული:

*ჩემთვის ქალდეა სახვევია  
მშრალი ბალაძისი,  
დანყველილი მინდვრებს გაუმზადებს  
მშვენიერ კალიებს.*

თანამიმდევრობა ამგვარია: წარმართული ღვთაების განდიდება მოვე წინაპართა მიერ, წყშმარტი ღვთის ქება მამის მიერ და უკანასკნელი ლიტურგია, შვილის მიერ გადახდილი: წინაპართა წირვები, გულს არ დაგწყვეტო ჩამომავალზე, მე მახეზღებენ, რომ მხედავენ აქამდისნი მშვიდს, და თუ ვეღარ ვთქვი ლიტურგია მე თავის თავზე, ქვეყანას მაინც გადავუხდი ერთხელ პანაშვიდს.

რასაკვირველია, დასალუპად განწირული პოეტი და დასალუპად განწირული ქვეყანა სიმბოლისტური ნაცნობი, „ძველი“ თემა, მაგრამ ის ინტერპრეტირებულია მამის, უფრო ზუსტად კი, უმამობის სახეში, უმამობას კი თან სდევს უაბჯარობაც:

*...და მე ხანდახან მეჩვენება  
ვითომ სამყარო  
ბაღია დიდი, დანყველილი  
და შხამიანი.  
მძიმე მხედარნი, შუბლშეკრულნი  
და უაბჯარო  
მოჭქრიან: რებო, ერედია,  
ემილ ვერპარნი.*

მამისეული სჯულის გარეშე დარჩენილი სამყარო კვლავ წყველასთან არის ასოცირებული, მაგრამ ვის მიერ არის დანყველილი ეს სამყარო? – არც ღმერთისაგან და არც მამისაგან (თუმცა იმ ეპოქის მწერლობაში ჩვენ ხშირად ვხვდებით მამის წყველასაც). შესაძლოა, ამჯერად სამყარო დანყველილია თავად პოეტისაგან, იმ პოეტისაგან, ვინც ხდება ამ ბალის მფლობელი. რასაკვირველია, ისინი სიმბოლისტი პოეტები არიან. ნაცვლად მამისეული ქრისტიანული მოძღვრებისა ახლა პოეტი სიმბოლისტურ მოძღვრებას, სიმბოლისტურ „დანყველილ პოეტებს“ და „შხამიან ყვაილებს“ უკავშირებს თავის წარმოსახვას.



*როგორ აბრუნებს დამწველ შხამით  
ყვაილები სულს?..  
თითქო მორბიან გიჟი რბენით  
აქ კენტავრები.  
ცხელი უდაბნო უფრო ცხოველს  
უძახის წარსულს  
და ცას ეწვება, როგორც ძველ სახლს  
ცეცხლში ყავრები.*

რასაკვირველია, პოეტი ნათლად ხედავს, რომ მისთვის წარსული მამისეულ ხანაზე უფრო ცხოველი ხდება, მაგრამ ამ პროცესს კონკრეტულად უკავშირებს იმასაც, რომ ამგვარი სამყარო ჰკარგავს ცის მფარველობას („ცას ეწვება ცეცხლში ყავრები“) ისევე, როგორც ჰკარგავს მფარველობას ამ სამყაროში დარჩენილი ადამიანი.

*თითქო შეცდომით შემეყვანა  
ვიღაცამ ბაღში  
და შიშით ვხედავ გიგანტის ჩრდილს,  
მიმფრინავ მხედარს.  
ულონო, სუსტი, ავტირდები  
პატარა ბავშვი  
და თან მრცხენია, ვიხედეტი,  
ხომ არვინ მხედავს.*

ულონობა, სისუსტე, რა თქმა უნდა, მფარველური ძალის დაკარგვით გამოწვეული მდგომარეობაა. მამისეულ ძალას მოკლებული პოეტი ბავშვად რჩება, იგი ვერასოდეს იქცევა მამად, ვერასოდეს დაასრულებს სულიერ ზრდას, ვერასოდეს გახდება მამისეული სჯულის მემკვიდრე და მფლობელი. იგი განწირულია იმისათვის, რომ დაკარგოს ღვთის მფარველობაც, დაკარგოს ღვთის მადლის საჭურველი, იყოს „უაბჯარო“. მადლის საჭურველი, რომელიც ღვთის რწმენით აღსავსე ადამიანს ებოძება უფლისაგან, სწორედ მამისეული ლოცვა-კურთხევით, მამისა და მამისეული სჯულის ერთგულებით არის მოსაპოვებელი. ეს არის ის ერთადერთი ფასეულობა, რომლის იმედითაც შეიძლება გაუმწვას შვილი გარესამყაროში ხორციელმა მამამ, რომლის იმედითაც სტოვებს ადამიანს ცოდვით დაცემულ ხორციელ სამყაროში ზეციერი მამა. ტიცციან ტაბიძესთან კი უაბჯაროდ რჩება ყველა ის პოეტი, რომელიც თავის სულში უშვებს გარესამყაროს დისპარმონიას.

*ვინ მომიყვანა, ვინ გამიშვა  
ამ ბაღში ბავშვი?  
დამწვარ ქალაქის ვინ აუშვა  
ჩემ სულში ბოლი?*

რასაკვირველია, ამ კითხვის პასუხიც ნათელია პოეტისათვის, რადგან მის ლექსებში ის სავსებით ცხადად წარმოაჩენს იმ მიმართებას, რომლის მიხედვითაც ცოდვიან სამყაროში უაბჯაროდ აღმოჩნდება მხოლოდ ის, ვინც ამ ცოდვას უშვებს საკუთარ სულში, სცოდავს მამისეული სარწმუნოების წინაშე და სცოდავს სწორედ მამისეული სარწმუნოების უარყოფით.

რა შეიძლება სდევდეს თან დაცემულობის, სულიერი სიკვდილის შეგრძნებას? რასაკვირველია, გლოვა. ტიცციან ტაბიძის სიმბოლისტურ ლექსებშიც ისევე ნათლად აისახება გლოვა, როგორც მთელს სიმბოლისტურ ლიტერატურაში. ეს გლოვა შეიძლება ეხებოდეს დაკარგულ სარწმუნოებას („მკვდარ ღმერთს“), პოეტის დაცემულ სულს, ცოდვით დაცემულ ქვეყანას, რომელსაც პოეტი უკანასკნელ პანაშვიდს უხდის. იგი თავად რჩება ღვთის მადლის გარეშე, თავად აღარ მონანილებს ლიტურგიაში. მაგრამ გლოვობს იმ სამყაროს, რომელიც იღუპება მასში და მის გარეთ. სიმბოლისტური მსოფლმხედველობის თანახმად, ამჯერადაც სწორედ პოეტი გვევლინება იმ ფიგურად, რომელიც შეიგრძნობს, წინასწარმეტყველებს სამყაროს აღსასრულს და იგლოვს მას. ასევე იგლოვს იგი ცოდვით დაცემულ საკუთარ სულსაც. ტიცციან ტაბიძესთანაც გვეხვება იმის შეგრძნება, რომ განსვენების უამსაც მასთან არ მივა უფლის ხსენება:

*თორმეტმა ღვედელმა მამა გასუდრეს,  
მე ერთი ღვედელიც არ ამიგებს წესს...*

საკუთარი თავის, საკუთარი სულის გლოვაც მამასთან მიმართებით არის აღქმული. მამის „ქრისტიანობით აღსას-

რულს“ უპირისპირდება პოეტის უღმერთო მიცვალება. საკუთარი თავის გლოვა ტიცციან ტაბიძის ლექსებში გამოისახება მამის გლოვასთან მიმართებითაც. მამა იგლოვს მის დაცემულ შვილს:

*ყოველი თვალი მომავონებს ბრმა მამის თვალებს,  
ჩემზე სტირიათ ეს თვალები თავის ღამეში.*

მაგრამ ამ ლექსებში მამის მიერ შვილის დატირებას ენაცვლება შვილის მიერ გამოგლოვილი მამის სახე. შეიძლება ითქვას, რომ ტიცციან ტაბიძის ლექსებში მამის გარდაცვალებას, გარდაცვლილი მამის გლოვას დაუკავშირდება საკუთარი თავისა და დაცემული ქვეყნის გლოვაც და, რაც ყველაზე ნიშანდობლივია, დაკარგული მამისეული სარწმუნოების გლოვაც. ლექსებში „ღვედელი და მალარია“ და „ღვედელი და მალარია კუბოში“ სრულიად ნათლად არის დახატული მამის სიკვდილიც და უმამოდ დარჩენილ სამყაროში მოუსაფრობის განცდაც. ნიშანდობლივია, რომ სწორედ მამის სიკვდილთან არის დაკავშირებული გარესამყაროს განწირულობის იდეაც. სწორედ ამ დროს აღიზარდება ქალდეას ზეცა, ვით ეშაფოტი და რექვიემით გაისმება ყველა არია. მას შემდეგ, რაც მამა სტოვებს მინიერ სამყაროს, პოეტის წარმოსახვაში ეს სამყარო საბოლოოდ იცლება მამისეული სარწმუნოებისაგანაც. ტიცციან ტაბიძისათვის გაუცხოვდება თავად მღვდლის სახეც, მღვდლის იდეაც.

*გავა წლისთავი... ნოემბერი,  
ბნელ ოლარებით,  
ჩემში ატირებს მამაჩემის  
შავ ანაფორას.  
უკანასკნელი ლექსი ჩავდე  
მე მონანებით,  
როდესაც გულზე უცხო ღვედლები  
ადგამდენ გორას.*

„ბნელი ოლარისა“ და „უცხო ღვედების“ სახეები აშკარად მიგვითითებენ მამისეული სარწმუნოებისაგან გაუცხოების პროცესის დასასრულზე. მინიერ სამყაროში უკვე აღარ ისახება მამისეული სჯულისა და მამის იმედი, მაგრამ ნიშანდობლივია, რომ მას შემდეგ, რაც მამა სტოვებს მატერიალურ სამყაროს, მისი იმედი გადასწვდება მიღმიერ სამყაროსაც. ახლა მამა ისახება იმ ძალად, რომელიც მფარველობს შვილს შეუცნობადი სამყაროს წინაშე, მფარველობს მას ცოდვისა და წარწყმედის, სიკვდილის წინააღმდეგ ბრძოლაში:

*როგორც ყოველთვის, თვით სიკვდილსაც  
შევებით ორი  
და ჩემთან იბრძვის შენი ლანდი,  
სხვისთვის მიმქრალი.*

ამდენად, სულიერი დაცემისა და გლოვის კვალდაკვალ, პოეტი მაინც ვეამცნობს, რომ მამის სახე, მამის ლანდი არ არის მისთვის მიმქრალი, დაკარგული. სწორედ ამიტომ არ მიმქრალა მის სულში დაკარგული მამისეული სარწმუნოების დაბრუნების იმედიც, სულიერი „მითემოეთის“ დაძღვის, სულიერი აღდგენების იმედიც:

*ძვირფასო მამა, იყავ იქაც  
ყოველთვის მშვიდი,  
გახსოვდეს ქვეყნად რომ დატოვე  
შვილი პოეტი.  
და მუასეჯერ გადახადე  
იქ პანაშვიდი.  
რომ დამიწყნარდეს  
მე ცხოვრება მითემოეთი.*

ხორციელი მამა, რომელიც სჯულის ერთგულების, ღმრთისმსახურების ძალით მოიპოვებს ზეციერი მამის სასუფეველს, ცოდვით დაცემული შვილისთვის იქცევა განწმენდის გზად. ხორციელი მამის გზა აბრუნებს მას იმ წყშმარტი გზაზე, რომლითაც ქრისტე მიუძღვის ადამიანს სასუფეველი-საკენ. ეს გზებიც ისევე ერწყმის ერთმანეთს, როგორც ერწყმის ტიცციან ტაბიძის პოეზიაში ერთმანეთს ხორციელი მამისა და ზეციერი მამის სახე-სიმბოლოები.

**ბელა ნიფური**  
ილია ჭავჭავაძის სახელმწიფო უნივერსიტეტის პროფესორი



3. ცენტრის თანამშრომელს არ აქვს უფლება, ინფორმაციის საჯაროდ გავრცელების ან სხვა საშუალებების გამოყენების გზით გაახმაუროს გრიფის მისანიჭებლად წარდგენილი წიგნის ან გრიფინიჭებული სახელმძღვანელოს თაობაზე თავისი მოსაზრება ისეთი ფორმით (რეკლამა, კრიტიკა ან სხვა), რაც ზიანს მიაყენებს ამ ან სხვა წიგნს/სახელმძღვანელოს;

4. წიგნების შეფასებაში მონაწილე ექსპერტებს არ აქვთ უფლება, საკუთარი ან სხვა ექსპერტის შეფასების შესახებ ინფორმაცია გაავრცელონ ცენტრის თანხმობის გარეშე;

5. ცენტრი არ არის ვალდებული, გააცნოს გამომცემლობას კონკრეტული ექსპერტის შეფასება.

**მუხლი 7. წიგნის შემფასებელი**

1. გრიფის მისანიჭებლად წარდგენილ წიგნს აფასებენ ექსპერტები, რომლებიც წარმოადგენენ მაღალი რეპუტაციის მქონე დარგის აღიარებულ სპეციალისტებს. ექს-

პერტების შეფასებები (დასკვნები) წარმოადგენენ ცენტრის მიერ წიგნისათვის გრიფის მინიჭებისა და გრიფის მინიჭებაზე უარის თქმის დროს შესაბამისი გადაწყვეტილების მიღების საფუძველს;

2. ინფორმაცია გრიფის მისანიჭებლად წარდგენილი კონკრეტული წიგნის შემფასებელი ექსპერტის ვინაობის შესახებ გამომცემლობებს არ მიეწოდება;

3. წიგნისთვის გრიფის მინიჭების შესახებ განაცხადის წარმოდგენასთან ერთად თითოეული გამომცემლობა, უფლებამოსილია კანონმდებლობით დადგენილი წესით, შესაბამისი დასაბუთებით, წერილობით მოითხოვოს მე-4 მუხლის მე-2 პუნქტით გათვალისწინებულ ნუსხაში შეყვანილი კონკრეტული ექსპერტის აცხილება. ცენტრი განიხილავს გამომცემლობის მიერ წარმოდგენილ აცხილებას და იღებს გადაწყვეტილებას აცხილების დაკმაყოფილების ან მის დაკმაყოფილებაზე უარის თქმის შესახებ, მოქმედი კანონმდებლობით დადგენილი წესით.

**მუხლი 8. გრიფის ჩამორთმევა**

1. ცენტრს უფლება აქვს, სახელმძღვანელოს ჩამორთვას გრიფი, თუ გამომცემლობა არ შესრულებს ამ წესის მე-5 მუხლის მეორე პუნქტის „ა“ ქვეპუნქტით ან მე-3 პუნქტით გათვალისწინებულ ვალდებულებებს მითითებულ ვადაში;

2. გრიფის ჩამორთმევა არ მოხდება, თუ გამომცემლობა ამ მუხლის პირველი პუნქტით გათვალისწინებულ ვადებს ვერ დაიცავს ფორსმაჟორული გარემოებების არსებობის გამო, რის თაობაზეც უნდა აცნობოს ცენტრს ფორსმაჟორული გარემოებების წარმოშობის თანხმება;

3. გრიფის ჩამორთმევა ხდება ცენტრის დირექტორის ინდივიდუალური ადმინისტრაციულ-სამართლებრივი აქტის საფუძველზე.

**მუხლი 9. გარდამავალი დებულებანი**

1. გრიფინიჭებულად ჩაითვალოს საქარ-

თველოს კანონმდებლობის თანახმად გრიფინიჭებული ყველა სახელმძღვანელო, ამ წესის ძალაში შესვლის შემდეგ კონკრეტული კლასის საგნის, საგნობრივი ჯგუფის ან მიმართულების სახელმძღვანელოსათვის გრიფის მინიჭებამდე;

2. ამ წესის მე-3 მუხლის მე-2 პუნქტში მითითებული 5-წლიანი ვადა ეხება მხოლოდ 2009-2010 და შემდგომი სასწავლო წლებისთვის გრიფინიჭებულ სახელმძღვანელოებს.

3. 2009-2010 სასწავლო წლისთვის, ცენტრი 2009 წლის 30 მარტამდე აქვეყნებს სახელმძღვანელოს გრიფის მინიჭებისთვის განაცხადის შემოტანის, საგანმანათლებლო რესურსცენტრებში სახელმძღვანელოების განთავსების, სახელმძღვანელოების ნიმუშების ცენტრის ვებგვერდზე გამოქვეყნების ვადებსა და ფორმას კონკრეტული კლასის, საგნის, საფეხურის, დონის, საგნობრივი ჯგუფის ან მიმართულებისათვის.

**დანართი**

**სახელმძღვანელოს ანკეტა**

<b>1. კლასი / საფეხური / დონე</b>	<b>4. ინფორმაცია გამომცემლობის შესახებ</b>
	გამომცემლობა: მისამართი: ტელეფონი: ელ. ფოსტა: ინტერნეტ გვერდი:
<b>2. საგანი/საგნობრივი ჯგუფი</b>	<b>5. სახელმძღვანელოს ავტორი/ავტორები</b>
	რედაქტორი: ავტორ(ებ)ი:
<b>3. სახელმძღვანელოს დასახელება</b>	ადაპტაციის ავტორი თარგმანის შემთხვევაში :

<b>6. სახელმძღვანელოს შემადგენელი სტრუქტურული ნაწილები</b>	გვერდები	წონა	ფასი გრიფირების შემდგომ პირველი სასწავლო წლისთვის
ა) მასწავლებლის წიგნი			
ბ) მოსწავლის წიგნი (მოსწავლის რეჟისის გარეშე)			
გ) მოსწავლის რეჟული			
თუ რამოდენიმე ნაწილადაა გამოცემული რომელიმე შემთხვევაში, მიუთითეთ ცალკე			

<b>7. ინფორმაცია გამოცემის შესახებ</b>	<b>8. დამატებითი უფასო სერვისები</b>
ა) გრიფირებული იყო 2005-2009 წლებში და წარმოდგენილია უცვლელად	ა) მასწავლებელთა მომზადება
ბ) გრიფირებული იყო 2005-2009 წლებში და განახლებულია	ბ) განვადებით ყიდვის შესაძლებლობა / ფასდაკლება
გ) პილოტირებულია	გ) წიგნების ტრანსპორტირება სკოლაში
დ) ორიგინალური	დ) თვალსაჩინოებები
ე) ადაპტირებული თარგმანი (მიუთითეთ თარგმანის წყარო):	ე) უფასო მოსწავლის წიგნი
	ვ) უფასო მასწავლებლის წიგნი
	ზ) ტესტები
	თ) აუდიო /ვიდეო მასალა
	ი) უფასო ელექტრონული რესურსები
	კ) სხვა:

**1. ზოგადი აღწერა**

კრიტერიუმი	შეფასების გარეშე	არ აკმაყოფილებს	ნაწილობრივ აკმაყოფილებს	უმეტესად აკმაყოფილებს	სრულად აკმაყოფილებს
ა) სახელმძღვანელო შეესაბამება ეროვნული სასწავლო გეგმით განსაზღვრულ საგნის სწავლების მიზნებსა და საგნობრივ პროგრამას.					
ბ) სახელმძღვანელო ხელს უწყობს მოცემული კლასის/საფეხურის სტანდარტის ყველა მიმართულებით განსაზღვრული შედეგების მიღწევას					
გ) სახელმძღვანელო შეესაბამება ეროვნულ სასწავლო გეგმაში აღწერილ სწავლებისა და სწავლის ორგანიზების პრინციპებს					
დ) სახელმძღვანელოს შინაარსი ითვალისწინებს საქართველოს მოსწავლეთა მრავალფეროვნებას რასის, კანის ფერის, ენის, სქესის, რელიგიის, პოლიტიკური და სხვა შეხედულებების, ეროვნული, ეთნიკური და სოციალური კუთვნილების, წარმოშობის, ქონებრივი და წოდებრივი მდგომარეობის და სპეციფიკური ადგილის მიხედვით.					
ე) სახელმძღვანელო უწყობს ხელს არასტერეოტიპული, მრავალმხრივი აზროვნებისა და შეხედულებების განვითარებას მოსწავლეებში					
ვ) სახელმძღვანელო ხელს უწყობს იმ ღირებულებების და უნარ-ჩვევების ჩამოყალიბებას, რომლებიც ზოგადი განათლების ეროვნულ მიზნებშია წარმოდგენილი					

კრიტერიუმი	შეფასების გარეშე	არ აკმაყოფილებს	ნაწილობრივ აკმაყოფილებს	უმეტესად აკმაყოფილებს	სრულად აკმაყოფილებს
ა) სახელმძღვანელო დაწერილია თანამედროვე და გასაგები სალიტერატურო ენით; არ შეიცავს კორექტურული ხასიათის შეცდომებს					
ბ) სახელმძღვანელო დაწერილია ახასიათის შესაფერისი, ნათელი, გასაგები ენით, არ შეიცავს ზედმეტ ტერმინებსა და ძალიან გრძელ, მძიმე წინადადებებს.					
გ) სახელმძღვანელოში სასწავლო მასალა არის დაფუძნებული/დაკავშირებული მოსწავლის წინასწარ ცოდნასთან. საკმაო ყურადღება ეთმობა: ახალი საკითხის სათანადო შემოქმედებას; ნასწავლის გამოთვლასა და განმტკიცებას; ახალი საკითხის დაკავშირებას ადრე ნასწავლ საკითხებთან					
დ) სახელმძღვანელოს შინაარსი შეესაბამება მეცნიერების თანამედროვე მიღწევებს. ტერმინების, ცნებების, მოვლენების, ილუსტრაციების განმარტებები შინაარსობრივად გამართულია; ინფორმაცია, ფაქტები ნახილია და ყურდობა უახლეს მონაცემებს					
ე) სახელმძღვანელო ხელს უწყობს მოსწავლის ეტაპობრივად მისვლას ახალ ცნებამდე, განსაზღვრებამდე, წესებამდე. სახელმძღვანელოში საკმარისი საკითხები მუშავდება აუქჩრებლად, მრავალმხრივად და საფუძვლიანად					
ვ) სახელმძღვანელოში ინფორმაციის მიწოდების მრავალი საშუალებაა გამოყენებული (ტექსტი, ილუსტრაცია, სქემა, ცხრილი, გრაფიკი და სხვ.)					
ზ) სახელმძღვანელოში სხვადასხვა ხასის ინფორმაციის/სტრუქტურული ელემენტები გამოყოფილია გასაგები პირობითი ნიშნების (ლოგო, შრიფტი და ა.შ.) მეშვეობით					
თ) სახელმძღვანელოს სხვადასხვა ნაწილში წარმოდგენილი ინფორმაცია შინაარსობრივი და მეთოდური თვალსაზრისით არის ერთმანეთთან დაკავშირებული					
ი) სახელმძღვანელოში წარმოდგენილი ილუსტრაციები საგანმანათლებლო მნიშვნელობისა და აღქმადია					
კ) სახელმძღვანელოს ახლავს გამართული საცნობარო აპარატი (მაგ. სარჩევი, ერთეულების ნუმერაცია, დეკლარაცია, სქოლიო, ბიბლიოგრაფია და სხვ.)					
ლ) სახელმძღვანელოს შინაარსი (ტექსტი, ილუსტრაცია) თანამედროვეა და გემოვნებითაა შერწყმული					
მ) სახელმძღვანელოში მოსწავლის ასაკის შესაბამისად არის შერწყმული ტექსტის მოცულობა და შრიფტის ზომა, წინადადებების განლაგება, ილუსტრაციებისა და ტექსტის თანაფარდობა, ცარიელი სივრცე, ილუსტრაციები და შესაბამისი ტექსტი მოთავსებულია ერთ მხედველობით არეში					
ნ) სახელმძღვანელოს დიზაინი თანამედროვეა, სტრუქტურული ელემენტები განმარტებულია					
ო) სახელმძღვანელოში გამოყენებული ფერები ხელს უწყობს ტექსტის აღქმადობას და სახელმძღვანელოში ორიენტირებას					

**3. მოსწავლის გააზრებული მუშაობა**

კრიტერიუმი	შეფასების გარეშე	არ აკმაყოფილებს	ნაწილობრივ აკმაყოფილებს	უმეტესად აკმაყოფილებს	სრულად აკმაყოფილებს
ა) სახელმძღვანელო ხელს უწყობს კრიტიკული და შემოქმედებითი აზროვნების განვითარებას					
ბ) სახელმძღვანელო ხელს უწყობს აქტიურ სწავლას (სწავლას აღმოჩენით, კითხვით, თანამშრომლობით, კვლევით და სხვ.)					
გ) სახელმძღვანელო ხელს უწყობს პრობლემის გადაჭრის უნარ-ჩვევების განვითარებას და რეალურ ცხოვრებაში მათი გამოყენების შესაძლებლობის გაზრდას					
დ) სახელმძღვანელოში მოცემული საგარეო მითითებები მოსწავლეს საშუალებას აძლევს, მიიღოს მრავალფეროვანი საგანმანათლებლო გამოცდილება (შეასრულოს დავალება, რომელიც არა მხოლოდ წერასა და კითხვას გულისხმობს)					
ე) სახელმძღვანელო ხელს უწყობს გაკვეთილზე ინდივიდუალური და ჯგუფური მუშაობის წარმართვას, მსჯელობას და დასკვნების გამოტანას					
ვ) სახელმძღვანელო ხელს უწყობს ინფორმაციის სხვადასხვა გზით მოპოვების, ორგანიზების, შეფასებისა და ინტერპრეტირების უნარ-ჩვევების განვითარებას					
ზ) სახელმძღვანელოში მოცემული აქტივობები ითვალისწინებს ცოდნის ათვისების სამივე ფაზას: წვდობა, გავარჯიშება, დაუფლება					
თ) სახელმძღვანელოში ინფორმაციის მიწოდებასთან ერთად ეწოდება კვლევა უნარ-ჩვევების განვითარებას, დირექტულებების/დამოკიდებულებების ჩამოყალიბებას					
ი) სახელმძღვანელო ხელს უწყობს სასწავლო პროცესის ორგანიზებას (განსაზღვრავს დავალების შესრულების დროსა და ეტაპებს, მასწავლებელს ეხმარება ინსტრუქციების მიცემაში, მოსწავლეებს - აქტივობებში ორგანიზებულად მონაწილეობაში და სხვ.)					
კ) სახელმძღვანელოში მოცემული დავალებების, საგარეო მითითებისა და პროექტების შესრულება შესაძლებელია გაკვეთილზე ან/და მისი დამთავრების შემდეგაც საშინაო დავალების სახით					

4. მოსწავლეთა მოტივაცია

Table with 6 columns: კრიტერიუმი, შეფასების გარეშე, არ აკმაყოფილებს, ნაწილობრივ აკმაყოფილებს, უმეტესად აკმაყოფილებს, სრულად აკმაყოფილებს. Rows describe student motivation levels and reasons.

5. უკუკავშირი

Table with 6 columns: კრიტერიუმი, შეფასების გარეშე, არ აკმაყოფილებს, ნაწილობრივ აკმაყოფილებს, უმეტესად აკმაყოფილებს, სრულად აკმაყოფილებს. Rows describe communication levels between students and teachers.

6. მასწავლებლის წიგნი

Table with 6 columns: კრიტერიუმი, შეფასების გარეშე, არ აკმაყოფილებს, ნაწილობრივ აკმაყოფილებს, უმეტესად აკმაყოფილებს, სრულად აკმაყოფილებს. Rows describe teacher's role and impact on students.

აფხაზეთის განათლებისა და კულტურის სამინისტროს პროექტი დევნილი აბიტურიენტების დასახმარებლად ნელსას ამოქმედდა

2007 წლის მარტიდან, აფხაზეთის განათლებისა და კულტურის სამინისტრომ, ზუგდიდში, კონფლიქტის ზონის აბიტურიენტების დასახმარებლად, უფასო მოსამზადებელი კურსები გახსნა, რომელიც დღესაც ემსახურება მათ მომზადებას ყველა სავალდებულო საგანში ერთიანი ეროვნული გამოცდებისათვის. შარშან კურსებზე 80 აბიტურიენტი სწავლობდა, ნელს კი - 60. მეცადინეობა მიმდინარეობს კვირაში 2 დღე: შაბათი და კვირა. შარშან 3 დღე ტარდებოდა, მაგრამ ნელს მშობლებმა და აბიტურიენტებმა 2 დღე მოისურვეს, რადგან მეთორმეტეკლასელები პარასკეობით სკოლას ვერ აცდენენ. თანაც გასათვალისწინებელია, რომ ისინი გალის რაიონიდან ხშირად სიცოცხლის რისკის ფასად გადმოდიან ცოდნის მისაღებად, რათა მაქსიმალურად მოემზადონ და სხვა თანატოლებთან ერთად მონაწილეობა მიიღონ ერთიანი ეროვნულ გამოცდებში. დევნილ აბიტურიენტებს ზუგდიდში მასპინძლობას აფხაზეთის №1 საჯარო სკოლა უწევს. მეცადინეობების დროს ხანგრძლივობა დღეში 6 საათს შეადგენს, ახალგაზრდები დაყოფილი არიან 2 ჯგუფად. პროექტის სულისჩამდგმელია განათლების ტერიტორიული წარმომადგენლობისა და საინფორმაციო მართვის სამმართველოს უფროსი მანანა ქვაჩაია. სწორედ მან შეარჩია აფხაზე-

თიდან დევნილი კვალიფიციური კადრები. პედაგოგებად მიწვეულნი არიან: ირინე ჯიჯულავა, ასოცირებული პროფესორი (მშობლიური ენა და ლიტერატურა), ლუიზა შონია (მათემატიკა), ლიანა თორია (რუსული ენა და ლიტერატურა), დავით შამუგია (ზოგადი უნარები). პედაგოგები კონფლიქტის ზონის მოსწავლეებს დიდ სიბოძას და სიყვარულს უწერდნენ, რადგან კარგად იციან, თუ რაოდენ ძნელია დევნილი მასწავლებლისა და მოსწავლის ხვედრი. ამით მათ მცირედნი წვლილი შეაქვეტ ქართულ-აფხაზური კონფლიქტის მოგვარების საქმეში, აბიტურიენტებს არა მარტო საგნებს ასწავლიან, არამედ აფხაზი და ქართველი ერის მრავალსაუკუნოვანი მეგობრობის ისტორიასაც. გალელ აბიტურიენტებს, მანანა ქვაჩაიას დახმარებით, უფასოდ გადაეცათ სავალდებულო და არჩევითი საგნების ტესტების კრებულები. რა თქმა უნდა, გამორჩეული აღნიშვნის ღირსია აფხაზეთის განათლებისა და კულტურის მინისტრის, ბატონ ალექსანდრე აპლაკოვის სრული მხარდაჭერა აღნიშნული პროექტისადმი. გალელი აბიტურიენტები მის სიბოძას, სიყვარულს, დახმარებას, ყურადღებას და მზრუნველობას ყოველ ნაბიჯზე გრძნობენ.

ასამთ შამუგია



მანანა ქვაჩაია



ალექსანდრე აპლაკოვი



ზუგდიდში აბიტურიენტთა მოსამზადებელი კურსების პედაგოგები

P.S. აღსანიშნავია, რომ გასული წლების მონაცემებისა და შედეგების მიხედვით, მოსამზადებელი კურსები ძალიან ეფექტიანი გამოდგა. ამის დასტურია თუნდაც ის ფაქტი, რომ ყოველ შაბათ-კვირას აფხაზეთის №1 საჯარო სკოლაში მოდიან შარშანდელი კურსდამთავრებულები (უკვე სხვადასხვა უმაღლეს სასწავლებელში ჩარიცხული სტუდენტები). ისინი კმაყოფილებას და მაღლიერებას გამოთქამენ ადაპტაციის, პროექტის მხარდაჭერის, აფხაზეთის განათლებისა და კულტურის სამინისტროს მიმართ. წლებადეულ აბიტურიენტებს კი წარმატებას და მათი ბედის გაზიარებას უსურვებენ. დევნილი ადაპტაციისა და აბიტურიენტების საწესდარ ოცნებად, ისევ და ისევ, გმობლიურ აფხაზეთში დაბრუნება რჩება.

# ცოდნის კვირეული



სწავლების ხარისხი დიდად არის დამოკიდებული სკოლის ადამიანურ და მატერიალურ რესურსზე, სწორედ სტრატეგიაზე. სწორედ ამ კუთხით მიმდინარეობს მუშაობა ვერტყვიჭალის საშუალო სკოლაში, სადაც 204 მოსწავლის აღზრდას 25 პროფესიონალი პედაგოგი ემსახურება. თითქმის ყველა პედაგოგმა აიმაღლა კვალიფიკაცია განათლებისა და მეცნიერების სამინისტროსა და სხვადასხვა არასამთავრობო ორგანიზაციების ტრენინგების მეშვეობით; მოვიგეთ რამდენიმე საგრანტო და საპილოტე პროექტი; მივიღეთ განათლებისა და მეცნიერების სამინისტროს მიერ გამოყოფილი სასკოლო ინვენტარი, უძვირფასესი ვიდეო მასალები კომპიუტერული კლასისათვის. სწორედ ასეთმა გარემომ, მასწავლებელთა და მშობელთა კარგმა ურთიერთობამ გადაწყვეტილა, დამეგობრა კარიონული მასშტაბის ღონისძიება „ცოდნის კვირეული“. კვირეულის მიზანი რაიონის სკოლათა შორის ურთიერთთანამშრომლობა, სწავლების თანამედროვე მეთოდების განზოგადება, არსებული პრობლემების გადაჭრის გზების ძიება იყო.

ვერტყვიჭალის საჯარო სკოლა, ყველა რესპუბლიკური ღონისძიების მონაწილეა. ჩვენს მოსწავლეებს მიღებული აქვთ სხვადასხვა ხარისხის დიპლომები, ფასიანი საჩუქრები, აქტიური მონაწილეობა მივიღეთ საგნობრივ ოლიმპიადაში. დიდი პასუხისმგებლობით მოვეკიდეთ „საოკუპაციო კვირეულის“ მონაწილას. მთელი კვირა, 16-25 თებერვალი, საინტერესო ღონისძიებებით იყო დატვირთული. განსაკუთრებით აღსანიშნავია მოსწავლეთა მონაწილეობით გადაღებული ვიდეოფილმი „დანგრეული ბუდეები“, რომელშიც ასახულია შიდა ქართლის სოფლებში – კარაღეთში,

მარანასა და კარბში შექმნილი მძიმე მდგომარეობა.

ცოდნის კვირეული კი ასე დაგეგმეთ: შევადგინეთ კვირეულის ღონისძიებთა გეგმა, შევთანხმეთ საგანმანათლებლო რესურსცენტრთან (ხელმძღვანელი გიორგი არევაძე) და დავერთვეთ ყველა საჯარო სკოლას. მასში აქტიურად ჩაერთვნენ: ხევის, ნადაბურის, ხუნევის, ვაშლეთის, უბისის, ღორეთის, ბორთის, დაშის, ხიდრის, ლეღვის, სალანძღოს საჯარო სკოლები, რისთვისაც მაღლობას ვუხდი დირექტორებს: ზურაბ გოგოლაძეს, დოდო ხაჩიძეს, ელგუჯა გელაშვილს, ქეთევან ლურსმანაშვილს, ალექსანდრე ბარბაქაძეს, მარინა სახვაძეს, ეთერ პაპავას, ნანა აბესაძეს, თამარ ტაბატაძეს, ვარდო ჭიპაშვილს.

ბორჯომ-ხარაგაულის ეროვნული პარკის ხარაგაულის ადმინისტრაციას ვერტყვიჭალის საჯარო სკოლასთან საქმიანი ურთიერთობა აკავშირებს. კვირეულის პირველ დღეს (23-27 მარტი) პარკის წარმომადგენლები მეთორმეტე კლასში ღია გაკვეთილს დაესწრნენ, რომელიც „გლობალური პრობლემები“ მასწავლებელმა თემურ ბლუაშვილმა ჩაატარა. „მდგრადი განვითარება“ – ასეთი იყო გაკვეთილის თემა. მასში აქტიური მონაწილეობა მიიღეს პარკის წარმომადგენლებმა: მანანა ტაბატაძემ და ჯამა ლომსაძემ. მათ სკოლას საინტერესო ლიტერატურა, რუკები და ბუკლეტები გადასცეს; როგორ მივალნით ეკონომიკურ და სოციალურ წინსვლას ისე, რომ რაც შეიძლება ნაკლები ზიანი მივაყენოთ ბუნებას – ეს იდეა გასდევდა ღია გაკვეთილს.

კვირეულის განმავლობაში საინტერესო ღია გაკვეთილები ჩატარეს მეთექვსმეტე კლასში დადარჯან ოკრიბელაშვილმა და მარიკა გოგოლაძემ;

ბიოლოგიასა და ფიზიკაში – ლელა სამხარაძემ და ზაირა ხაჩიძემ; მეშვიდე და მეექვსე კლასებში – ქართულ ენასა და ლიტერატურაში; მეთორმეტეკლასელებთან – დოდო ლილუაშვილმა მათემატიკაში.

სკოლის დერეფანში ხელოვნების კათედრის (ხელმძღვანელი გულნაზ აბრამიშვილი) ორგანიზებით მოსწავლეთა ნამუშევრების გამოფენა მოეწყო. კვირეულის პირველი დღე პედაგოგების: მანანა ლომიძისა და გულნაზ აბრამიშვილის მომზადებულმა მხატვრულმა ღონისძიებამ „გემოძვრავენ ნოდარ დუმბაძის გმირები“ – დაავიროგვინა.

მეორე დღე მთლიანად დანყვებით კლასებს დაეთმო. საინტერესოდ მომზადებული გაკვეთილები წარუდგინეს მოწვეულ სტუმრებს პედაგოგებმა: მზია გიგაურმა, ლილა ბარბაქაძემ, მზია ტაბატაძემ, ნათელა ბურჯანაძემ.

მესამე დღეს სკოლის „პატრონ-პატრონები“ მოსწავლეები იყვნენ. სკოლას მართვდნენ მოსწავლე-დი-

რექტორი თამილა ბლიაძე, სასწავლო ნაწილის გამგე – ბექა ბლიაძე, მოსწავლე მასწავლებლები: თამარ ლომიძე, ნინო ტლაშაძე, ნინო ხარაიშვილი, გულიკო გოგოლაძე, გიორგი ლომიძე, ვახტანგ აბაშიძე. სასწავლო დღის ბოლოს „დირექტორმა“ თათბირი ჩაატარა. XI კლასის „ხელმძღვანელმა“ თინიკო მჭავრიანიმა მასწავლებლებს ასე მიმართა: თქვენ თუ ყოველთვის ასეთ დღეში ხართ, ცოცხლები როგორღა დარჩითო.

იმავ დღეს გაიმართა ინტელექტუალური თამაში „ყველაზე ჭკვიანი“, გამარჯვებული კლასელმა გიორგი ლომიძემ.

26 მარტი ვერტყვიჭალელმა მოსწავლეებმა უცხო ენების ცოდნის გამოვლინებასა და სპორტულ ღონისძიებებს დაუთმეს. „ჩვენ ვსწავლობთ უცხო ენას“ – ასე უწოდეს ღონისძიებებს გერმანული, რუსული და ინგლისური ენების მასწავლებლებმა – ნარგიზა ხაჩიძემ, ნადეჟდა მუმლაძემ და ეკა ახალკაცმა. მოსწავლეების მიერ შესრულებულმა უცხოურმა სიმღერებმა, მომზადებულმა მუსიკის მასწავლებლის, გულნაზ აბრამიშვილის მიერ, საყოველთაო მონაწილეობით დაიწყო. იმავე დღეს პედაგოგ ნუგზარ კაპანაძის ხელმძღვანელობით, რაიონის სპორტსკოლასთან ერთად, „მზიარული სტარტები“ ჩატარდა. სპორტულ შეჯიბრებებში პედაგოგებიც ჩაერთნენ, დაძაბული გამოდგა ვერტყვიჭალელ და ლეღველ პედაგოგთა შეხვედრა ფრენბურთში.

კვირეულის ბოლო დღე „კლასის საათი“ დაეთმო, რომელიც ნარკოტიკის, ალკოჰოლიზმისა და ნარკომანიის წინააღმდეგ ბრძოლას მიეძღვნა. მოსწავლეები საღად მსჯელობდნენ ამ საშიშელი სნეულებების აღმოფხვრის შესახებ. „კლასის საათში“ აქტიური მონაწილეობა მიიღეს ხარაგაულის პოლიციის თანამშრომლებმა.

ჩვენს სკოლაში 14 უნარშეზღუდული ბავშვილი სწავლობს. პედაგოგ ალექსანდრე ჭიპაშვილის ხელმძღვანელობით, დამუშავდა პროექტი ინკლუზიური სწავლების შესახებ, რომელიც სამინისტროს წარედგინა.

პროექტი დაინტერესდნენ კიდევ და ამ მიმართულებით ხელშეწყობას ველოდებით, მაგრამ მთავარი ისაა, რომ კვირეულის დღეებში აღნიშნული 14 ბავშვი თავს გარიყულად არ გრძნობდა.

კვირეული დასრულდა. ბუნებრივია, კიდევ ბევრი საინტერესო ღონისძიების ჩატარებას გვგეგმავთ მომავალში. სკოლას შესანიშნავი სპორტული დარბაზი აქვს, გვინდა, ჩვენი სკოლის გუნდი სატელევიზიო გადაცემა „მზიარული სტარტები“ მოხვდეს. იქნებ თქვენი გაზუთის მეშვეობით გადაცემის მსუვეურებამდე მივიტანოთ ჩვენი მოსწავლეების სურვილი.

ასევე მათში ვგეგმავთ თანამშრომლობის გაფორმებას თბილისის 24-ე საჯარო სკოლასთან; მეთერთმეტე კლასელთა დიდი სურვილია თბილისის 23-ე სკოლასთან დამეგობრება. იმედია, ეს თანამშრომლობა შედგება, რაც უთუოდ წაადგება ჩვენი მოსწავლეების სწავლა-აღზრდის საქმეს. მეამაყება, რომ სკოლის შესანიშნავი პედაგოგები ნარმატებით ართმევენ თავს მასზე დაკისრებულ ამოცანას, მაგრამ მთავარი ხელშეწყობი პირობა სკოლის მატერიალური ბაზის გაუმჯობესებაა, რომლის გადამწყვეტა დამოუკიდებლად შეუძლებელია. ჩვენი სკოლის შენობა, რომელიც 1987 წელს აშენდა, ტიპურია და 300 მოსწავლეს გათვალისწინებული. ოთხსართულიანი სკოლის სარდაფი, როგორც თავშესაფარი 2000 ადამიანზე გათვლილი. მისი რემონტი და კეთილმოწყობა სკოლას გადაუჭრად სასადილოსა და სხდომათა დარბაზის პრობლემას. გარდა ამისა შენობა საჭიროებს დერეფნებისა და სასკოლო ოთახების კაპიტალურ შეკეთებას, საინტერესო კვანძების მოწესრიგებას, ეზოს შემოღობვას.

მხოლოდ საკუთარი ძალებით ეს პრობლემები ვერ გადაიჭრება. ამიტომ ვთხოვთ განათლების სამინისტროს დაგვეხმაროს ამ საკითხების მოგვარებაში.

**ლენა აბაშიძე**  
ვერტყვიჭალის საჯარო სკოლის დირექტორი



## ამთოდია

# სდეზი სახალისო ქიმიიდან

ამ სტატიას ვუძღვნი ქალბატონ ელენე ნანობაშვილის ხსოვნას. სახალისო ცდა, რომელიც დღეს მინდა შემოგთავაზოთ, მისგან ვისწავლეთ. ქალბატონი ელენე იყო ყოფილი პუშკინის სახელობის პედაგოგიური ინსტიტუტის პროფესორი, ქიმიის ფაკულტეტის კათედრის გამგე, უამრავი სამეცნიერო და პედაგოგიური ლიტერატურის ავტორი და საერთოდ, უანგარო გულის, უზღვავე ენერჯის, გასასოცარი შრომისუნარიანობის მქონე ადამიანი.

ერთხელ მასთან ინსტიტუტში ჩემი ქიმიის წრის მოსწავლეები მივიყვანე და ვთხოვე: „ჩემს მოსწავლეებს თანამედროვე ნამდვილი ქიმიური ლაბორატორია მინდა ვაჩვენო და თუ შეიძლება თქვენს საპრეპარატორიებსა და ლაბორატორი-

ებს დავათვალიერებინებ-მეთქი“. ქალბატონმა ელენემ ერთი ასპირანტი გამოგვაყოლა, რომელმაც ყველაფერი აჩვენა ბავშვებს.

შემდეგ ქალბატონ ელენე ნანობაშვილს მორიდებით ვკითხე: „რაში შეგიძლიათ დამეხმაროთ, რომ ჩემი მოსწავლეები ქიმიით მეტად დავაინტერესო“. ქალბატონ ელენეს თურმე უკვე მოსწონებია ჩემი ბავშვები და თვითონვე შემოგვთავაზა: თითოეულ მოსწავლეს მიუჩინდა თითო სტუდენტს ან ასპირანტს, კვირაში ერთხელ ვივლიდით ინსტიტუტში და განსახლებული პროგრამით ამუშავებდა ამ ბავშვებს... წლის ბოლომდე ქიმიის წრის

რამდენიმე წევრმა ამ პროგრამით იმუშავა და ძალიან კმაყოფილები იყვნენ: თვითონაც, მათი მშობლებიც და ქალბატონი ელენეც... იმ მოსწავლეებიდან ზოგიერთი მათგანი დღეს ქიმიკოსია.

ჩემი თაყვანისცემა ამ ადამიანისადმი უსაზღვროა. იგი მოსახლეობისთვისაც არ იმურებდა ძალ-ღონესა და დროს და ქალაქის სხვადასხვა აუდიტორიებში ატარებდა პოპულარულ-შემეცნიერებით ლექციებს. ასე მოვხვდი ერთ-ერთ მის ლექციაზე ყოფილ „კიროვის ბაღის“ კინოთეატრის დარბაზში. იგი ყვებოდა, თუ როგორ უნდა დაიცვას თავი ადამიანმა მონამელისა ან სხვა რაი-

მე არასასურველი მოვლენისაგან მის გარშემო არსებული უამრავი ქიმიური ნაწარმის მოხმარების დროს. მისი მიზანი იყო მოსახლეობისათვის ესწავლებინა ქიმიის ის ელემენტარული უნარ-ჩვევები, რომელიც ასე საჭიროა ყველასათვის.

ლექცია ძალიან ცოცხალი, ხალისიანი და საინტერესო იყო. უამრავი შეკითხვა დასვეს მსმენელებმა. ქალბატონი ელენე დაულალავდა პასუხობდა ყველას. ბოლოს აუდიტორიას შესთავაზა სახალისო ცდები ქიმიიდან. მათ შორის იყო დღევანდელი ჩემი „ფარაონის გველებიც“.

**„ფარაონის გველები“**

ორ ქიმიურ ჭიქაში ცალ-ცალკე ცივი წყლით დაამზადეთ კალიუმის როდანიდისა (KCNs) და ვერცხლისწყლის (II) ქლორიდის (HgCl<sub>2</sub>) 50 მლ. ნაჯერი ხსნარები.

ერთი ხსნარი მეორეში ულუფებით ასხით და მინის წკირით ურიეთ. გამოილექება ვერცხლისწყლის როდანიდის თეთრი ფერის ნალექი Hg(CNS)<sub>2</sub>

ხსნარი გაფილტრეთ. ნალექი ფილტრის ქალაღიანად დადეთ ჩრდილში გასაშრობად. მზეზე გამშრობა არ შეიძლება, ვინაიდან ნალექი ზემოდან მოხმება და თანაბრად არ გამოშრება. ეს კი წვას ხელს შეულის.

როცა ნალექი ისე შეშრება, რომ შესაძლებელი გახდება რაიმეს გამოქრნვა მას მიეცით ჯოხის ფორმა.



გამოკითხვა

რას ფიქრობენ მეტორმეტეკლასელები სახელმძღვანელოების, ეროვნული გამოცდების, რეპეტიტორების და თორმეტწლიანი სწავლების შესახებ

ლანჩუთის №3 საჯარო სკოლა

გოდერი ქერიძე:

ჩემი აზრით, XII კლასის შემოღება სკოლებში სრულიად ზედმეტი იყო. XII კლასმა, პირადად მე, არაფერი შემატა, მხოლოდ ერთი წლით გამიხანგრძლივა კლასელებთან ახლო ურთიერთობა.

მიუხედავად იმისა, რომ XII კლასის პროგრამა ძალიან საინტერესოა, ის ძალიან დამორბეულია ეროვნული გამოცდების მისაღებ პროგრამას და ამის გამო მოსწავლეები დადიან რეპეტიტორებთან, რაც ფინანსებთან არის დაკავშირებული. რეპეტიტორებთან სიარულის გამო, მოსწავლეები ხშირად აცდენენ გაკვეთილებს და საფუძვლიანად ვერ სწავლობენ XII კლასის პროგრამას.

ჩემი თანაკლასელები 18-ის, ზოგი კი 19-საც არიან, რაც ხელს უწყობს გაცდენებს.

ჩემი აზრით, ასეთ ასაკში სკოლაში სიარული შეუფერებელია. ასე რომ, XII კლასი გაუმართლებლად მიმაჩნია.

თორნიკე ტიკაძე:

ძალიან მომწონს XII კლასის ისტორიისა და ქართულის სახელმძღვანელოები. ქართულის წიგნში ბევრი თანამედროვე მწერლის ნაშრომი თავმოყრილი, ეს ხელს უწყობს მოსწავლეებს, გაცნონ თანამედროვე ლიტერატურას, ისწავლონ თანამედროვე ისტორია და ა.შ.

ისტორიის სახელმძღვანელო ძალიან კარგად აღწერს თანამედროვე ისტორიას. ჩვენ საშუალება გვქვია გავიგოთ, თუ რა მოხდა სინამდვილეში.

მართალია, სახელმძღვანელოები მომწონს, მაგრამ მირჩევნია სწავლა XI კლასით დასრულდეს. ვთვლი, რომ მეთერთმეტეკლასელები მზად არიან, ჩააბარონ ერთიანი ეროვნული გამოცდები.

ნატალია ლანჩავა:

ჩემი აზრით, განათლების სამინისტროს მიერ დამატებული კიდევ ერთი წელი ზედმეტი იყო ჩვენთვის. ამ ერთმა წელმა ბევრი არაფერი შემატა ჩვენი განათლების დონეს. თერთმეტი წელი საკმარისი იყო იმისთვის, რომ საშუალო განათლება მიგველო და ვისაც სურვილი ჰქონდა, პროფესიული სწავლების განხორციელებულიყო სწავლა. მართალია სწავლამდე სასწავლო პროგრამა კარგად არის შედგენილი, მაგრამ ეს პროგრამა არ შედის საგამოცდო პროგრამაში, შესაბამისად, წინა წლებთან შედარებით, ნაკლებად გავცანილი მას.

რაც შეეხება რეპეტიტორებს, იძულებული ვართ, მათთან ვიაროთ, რადგან საგამოცდო პროგრამაში იმდენი რეპეტიტორული ნაწარმოებია შესული, რეპეტიტორთან სიარულის გარეშე მათი შესწავლა გაგვიძნელებდა.

თენგიზ ებრაღიძე:

ვფიქრობ, XII კლასის შემოღება პოზიტიურია. ჩვენ უფრო მეტს ვსწავლობთ. განსაკუთრებით მომწონს ქართულისა და მათემატიკის სახელმძღვანელოები, თუმცა ქართულის წიგნიდან მხოლოდ რამდენიმე შეტანილი ეროვნული გამოცდების პროგრამაში.



ნული გამოცდების პროგრამაში. თუ ბევრ სხვა ნაწარმოებსაც შეიტანენ, უკეთესი იქნება. ჩემი აზრით, მეთორმეტეკლასელებთან შედარებით გამოცდებს უკეთესად ჩააბარებენ, ვიდრე თერთმეტეკლასელებთან. ამერიკაში 12-წლიანი სწავლა, ხოლო გერმანიაში 13. თუ საქართველოს განათლებისა და მეცნიერების სამინისტრო შეძლებს, მისი სტანდარტები მიუახლოვოს ევროპულს, ეს კარგი იქნება.

ანა მგელაძე:

ჩემი აზრით, XII კლასი არცთუ ისე შედეგიანი გამოდგა ჩვენთვის, 11 წელი სავსებით საკმარისია, რომ ბავშვმა საშუალო განათლება მიიღოს. მიუხედავად იმისა, რომ პროგრამა ძალიან კარგი და საინტერესოა, დროის უკმარისობის გამო, საშუალება არ მოგვეცა, საფუძვლიანად შეგვესწავლა თითოეული ნაწარმოები, რადგან საგამოცდო პროგრამაში ძალიან ცოტაა XII კლასის პროგრამული მასალა. რაც შეეხება ჩემს აზრს რეპეტიტორებთან დაკავშირებით, პირობებიდან გამომდინარე, იძულებული ვართ, მათთან ვიაროთ და შევისწავლოთ მასალა, რომელიც ეროვნული გამოცდების პროგრამაშია. ისინი ამ პროგრამის საფუძვლიანად შესწავლაში გვეხმარებიან, რათა შევძლოთ სწავლა გავგრძელოთ პროფესიული განხრით.

მარი მიქელაძე:

ჩემი აზრით, XII კლასის დანახვა არ იყო სწორი გადაწყვეტილება. ამ წელმა ჩემს ცოდნას დიდად არაფერი შემატა. ფაქტობრივად, ეს ერთი წელი ტყუილად დროის კარგად გამოყენების პროგრამაში.

გვა იყო. მართალია, სახელმძღვანელოში ბევრი საინტერესო ნაწარმოებია, მაგრამ ბევრი მათგანი პროგრამული არ არის და ჩვენ გვინევს რეპეტიტორებთან სიარული. არ გვაქვს იმის დრო, არაპროგრამული მასალა შევისწავლოთ. ჩემი აზრით, თერთმეტი კლასიც საკმარისი იყო იმისთვის, რომ საკმარისი ცოდნა მიგველო. ალბათ, ყველა დამეთანხმება იმაში, რომ XII კლასი ზედმეტია ჩვენთვის.

ზაურ ფირცხალაიშვილი:

ჩემი აზრით, სახელმწიფო საჯარო სკოლებში XII სასწავლო კლასის დამატება საქართველოს განათლებისა და მეცნიერების სამინისტროს მიერ წინ გადადგმული ნაბიჯია. ეს ხელს შეუწყობს ქართული განათლების სისტემის დაახლოებას დასავლურ მოდელთან. მოსწავლეებს ბევრი დრო ექნებათ გადაწყვეტილების მიღებას იმის დროს, როდესაც მომავალი ცხოვრება. ვფიქრობ, XII კლასი მოსწავლეებისათვის განსაკუთრებული თავისებურებით უნდა გამოირჩეოდეს, დასახვეწია სახელმძღვანელოები, რომლითაც ვსწავლობთ.

XII-კლასელები მაქსიმალურად უნდა იყვნენ მომზადებული საუნივერსიტეტო ცხოვრებისათვის. უნდა ჩატარდეს ლექციები, ტრენინგები. მოსწავლეთა ინფორმირება საინტერესო საკითხებზე მასწავლებლების და დირექტორის მიერ უნდა ხდებოდეს. უკეთესი იქნება, თუ აბიტურიენტი, რომელიც სკოლას ნარჩინებით დაამთავრებს, პრივილეგიებით ისარგებლებს ერთიანი ეროვნულ გამოცდებზე და უმაღლეს სასწავლებლებში.

ყველა მოსწავლეს უნდა ჰქონდეს საგნების არჩევის უფლება.

ერთიანი ეროვნული გამოცდების პროგრამა არ შეესაბამება სასკოლოს, ამიტომ მოსწავლეთა უმეტესობა რეპეტიტორებთან დადის. ამ მიზეზით ხშირია გაცდენები.

2007-2008 სასწავლო წელს ამერიკის შეერთებულ შტატებში ვისწავლე. იქაური სკოლა რადიკალურად განსხვავდება აქაურისგან. მასწავლებლებს მოსწავლეთა კონტროლის რეალური ბერკეტები აქვთ. კარგა ხანია იქ XII კლასია. ეს ყველაფერი გამოიწვევს და პრივილეგიებული კლასია მთელ სკოლაში. სკოლას არ აქვს ფინანსური და სხვა სახის პრობლემები. ვისურვებდი, ამ სიახლემ საქართველოშიც გაამართლოს.

სათუნა ფირცხალაიშვილი:


ჩემი აზრით, ჩვენთვის კიდევ ერთი წლის დამატება ზედმეტი იყო. ამ წელმა თითქმის არაფერი შეგვმატა. მართალია, სასწავლო პროგრამა კარგი შედეგებით იყო, მაგრამ ბევრი არაპროგრამული მასალა იყო, რომელიც საგამოცდო პროგრამაში არ არის. მისი საფუძვლიანად შესწავლა ვერ მოვახერხეთ და სწორედ ამ მიზეზის გამო, გვინევს რეპეტიტორებთან მომზადება. გამოცდებზე უამრავი ისეთი ნაწარმოებია შესული, რაც წასწავლი არ გვაქვს და რეპეტიტორის გარეშე ვერც ვისწავლიდით. ამ მიზეზთა გამო, XII კლასი არ მიმაჩნია საჭიროდ. 11 წელი სავსებით საკმარისი იყო, რომ ცოდნა შეგვეძინა და უმაღლესში ჩასაბარებლად მოვმზადებულიყავით.

მეთოდისა

დაახლოებით შუათანა თითის ზომის ჯოხი გამოვა. გააგრძელოთ გაშრობა. ნალექი გამოაშრეთ კარგად, გახმობამდე. გაშრობას შეიძლება რამდენიმე დღეც დასჭირდეს.

მიღებული Hg(CNS)-ის რაოდენობა რამდენიმე (4-5) ცდისთვისაა გამიზნული. ამიტომ მის შესახებ უნდა იზრუნოთ.

ცდის ჩასატარებლად ჯოხს მეოთხედი ნაწილი ჩამოატეხეთ და სასაგნე მინაზე დადეთ. ნატეხს ანთებული ასანთი ან კვარი შეახეთ. თეთრი ნატეხიდან თანდათან ამოიზრდება „გველი“. წვის დამთავრებამდე „გველი“ იზრდება, იცვლის ფერს, ფორმასა და ზომას. წვის დამთავრების შემდეგ „გველი“ წყვეტს მოძრაობას და ერთ პოზაში გამეფდება. სათანადო რეაქტივების ქიმიური განტოლებები:



როგორც ხედავთ, რეაქციის შედეგად ბევრი აირი გამოიყოფა. ეს აირები ბერავენ და სხვადასხვა მიმართულებას აძლევენ თხელ, მონაცრისფერო-მოყვითალო აფსკს (რომელიც აგრეთვე რეაქციის შედეგად წარმოიქმნება). მოძრაობით, ფერითაც და ფორმითაც ისე ჰგავს ეს მოვლენა გველის გაზრდასა და კლაკენას, რომ მას „ფარაონის გველები“ უწოდებენ.

შენიშვნა: 1. ვერცხლისწყალიცა და მისი ნებისმიერი ნაერთიც მხოლოდ მინის ჭურჭელში ინახება. ვინაიდან მეტალბეს ისინი რამდენიმე წუთში შლიან.

2. KCNS- ის მაგივრად თუ NH4CNS -ს აიღებთ, Hg(CNS)-ის

ნალექი ჯერ წარმოიქმნება, შემდეგ კი გაქრება, ვინაიდან ახალი, კომპლექსური, ხსნადი მარილი წარმოიქმნება. მიღებულ გამჭვირვალე ხსნარს თუ HgCl2-ის ხსნარის რამდენიმე წვეთს დაუმატებთ, ნალექი ისევ წარმოიქმნება.

3. ვერცხლისწყალიცა და მისი ნაერთებიც მომწამვლელი ნივთიერებებია და მათთან მუშაობის



დროს უსაფრთხოების წესების დაცვაა საჭირო. ანუ, მუშაობის დამთავრებისთანავე ხელები საპნით გულდასმით უნდა დაიბანოთ.

რადგან როდანიდი ვახსენეთ, ახლა კიდევ ერთი ცდის შესახებ მოგიყვებით, რომელშიც ისევ კალიუმის როდანიდის KCNS-ს გამოვიყენებთ.

„ნადირობა“

სახატავი რეულის ფურცლებზე დახატეთ (მხოლოდ კონტური) კურდღელი ან ნებისმიერი სანადირო ობიექტი. პიპეტით კონტურის შიგნით, კურდღელი დაასველეთ კალიუმის ან ამონიუმის როდანიდის 1%-იანი ხსნარით. ნახატი გააშრეთ და დაამაგრეთ დაფაზე ან კედელზე.

აიღეთ საბავშვო პისტოლეთი, რომელიც წყალს ისვრის. ჩაასხით მასში რკინა (III)-ის ქლორიდის FeCl3-ის ხსნარი მასური წილით 1% და შორიდან კურდღელს „ესროლეთ“ (მიახლოეთ). კურდღელს „სისხლი“ დაედინება. ამ რეაქციას მასწავლებლები ვიყენებთ, როგორც თვისებით რეაქციას Fe3+ - იონზე: FeCl3+3KCN=3KCl+Fe(CNS)3

მარიამ სურგულაძე



# ნარკომანი - დამნაშავე თუ ავადმყოფი?



თბილისის 22-ე საჯარო სკოლაში აღდგა ტრადიცია და მუშაობა დაიწყო დებატების კლუბმა. ეს სკოლა, წარსულში, ფსიქოლოგ დიმიტრი უზნაძის სახელს ატარებდა და დღემდე ამ კუთხით ცდილობს წარმართოს სწავლების ნოვატორული პროცესები. კერძოდ, ჩაუნერგოს და გაულრმავოს მოსწავლეებს პედაგოგებისა და თანატოლების მიმართ ნდობა და ამით ხელი შეუწყოს სწავლებისათვის აუცილებელი ფსიქიკური პროცესების განვითარებას: აზროვნებას, წარმოსახვას, შემოქმედებით უნარებს, თვითცნობიერებას, თვითშეფასებას, კომუნიკაბელური უნარების ჩამოყალიბებას.

საზოგადოების მიმართ, სადაც იგი აღნიშნავდა, რომ საზოგადოებრივ სასწავლებლებში არსებობს მიმდინარეობა, რომელსაც „ცხოვრების ხელოვნება“ ჰქვია, რაც ჯანსაღი ცხოვრების წესებს ასწავლის მოზარდებს. ამავე ფილმში მონაწილეობენ კვალიფიციური ექიმები, რომლებიც მოზარდებისთვის გასაგებ ენაზე ხსნიან ნარკომანიის საფრთხეებს. ვიდეოს თან ერთვის ჩანახატები, რომელიც ყველასთვის ერთი სცენარით ვითარდება.

ფილმის ჩვენების შემდეგ წინასწარ შერჩეულმა ორმა ჯგუფმა დაიწყო მსჯელობა. მოსწავლეებმა დაიხმარეს ინტერნეტით მოპოვებული მასალა ნარკომანიასთან დაკავშირებული სტატისტიკური მონაცემებით, რამაც ნათელი მოჰფინა ნარკომანიის პრევენციის აუცილებლობას სკოლის ასაკიდანვე. ასევე, საკუთარი შემოქმედება - სტენდები და ფოტოკოლაჟი სახელოვნობით „ჩვენ ვირჩევთ ჯანსაღი ცხოვრების წესს“. ბავშვების მიერ შექმნილი იყო ვიდეოკლიპი, რომელიც ასახავდა ნამალდამოკიდებული ადამიანების საშინელ რეალობას.

ფსიქოლოგიური თვალსაზრისით, დებატების კლუბის თემად, სკოლის ფსიქოლოგებმა, **ნინო ოქროსაშვილმა** და **თამარ ქანაშვილმა** შევარჩიეს ნარკომანია. მოსწავლეებს შეთავაზებდა რამდენიმე თეზისი დასამტკიცებლად და უარსაყოფად:

1. ნარკომანი - დამნაშავე, თუ ავადმყოფი?
  2. საზოგადოების დამოკიდებულება ნარკომანებისადმი.
  3. გამოსავალი.
- სადებატო ფორმატი იყო შემდეგი:
- სკოლის დირექციამ მოიპოვა ფილმი, რომელზეც აღბეჭდილი იყო ნამალდამოკიდებული ადამიანების ინტერვიუები და მათი ცხოვრების ტრაგედია; ასევე პატრიარქის მონაწილეობა ნარკომანებისა და



## ბიოლოგია

# ბუნების გაკვეთილი. VI კლასი

**გაკვეთილის თემა:** ნაერთი, ნარევი. ნარევის შემადგენელ კომპონენტებად დაყოფა.

**გაკვეთილის მიზანი:** მოსწავლემ შეძლოს ნარევის და ნაერთის განსხვავება, იმსჯელოს ნარევის კომპონენტებად დაყოფის მეთოდების შესახებ, ნარევის შემადგენელი ნივთიერებების ფიზიკური თვისებების გათვალისწინებით, ჩაატაროს შესაბამისი ექსპერიმენტები.

**გამოყენებული მასალა:** შტატივი, მინის ძაბრი, მინის წკირი, ჭიქა, გრაფინი წყლით, ცეცხლგამძლე ჭურჭელი, ფილტრის ქაღალდი, სპირტქურა, მარილი, რკინის ფხვნილი, ხის ბურბუშე, ქვიშა, ცარცის ფხვნილი, მაგნიტი, მინერალური წყლების ეტიკეტები, ცხრილი, თაბახის ფურცლები.

**გაკვეთილის დრო:** 45 წუთი.


**გაკვეთილის მსვლელობა:** მოსწავლეებს შევახსენებ, რომ სუფთა ნივთიერება მხოლოდ ერთი სახის მოლეკულებისგან შედგება, მაგალითად, სუფთა წყალი მხოლოდ წყლის მოლეკულებია, ამიტომ სუფთა წყალი ნაერთია; ბუნებაში სუფთა წყალი არ გვხვდება - მდინარის, წყაროს წყალში სხვადასხვა ნივთიერებებია გახსნილი, ამიტომ ასეთ წყალს ნარევი უწოდებენ. ამის კარგი მაგალითია მინერალური წყლები: „ბორჯომი“, „ლიკანი“, „საირმე“, „ნაბეღლავი“ და სხვ. სუფთა წყალს გემო არა აქვს, ხოლო მინერალური წყლები სპეციფიკური გემოთი გამოირჩევიან, რაც იმაზე მიუთითებს, რომ წყალში სხვა ნივთიერებებია გახსნილი, თანაც მინერალურ წყლებს განსხვავებული გემო აქვთ და მათი შედგენილობაც განსხვავებულია (2 წთ.).

საუბრის შემდგომ კლასს დავეყოფ ჯგუფებად, დავეურიგებ მინერალური წყლების ეტიკეტებს (თითოეულ ჯგუფს - 2 ცალს). ვთხოვ, შეადარონ წყლები შედგენილობის მიხედვით (4 წთ.).

**პრეზენტაციები:** 5 წთ.

პრეზენტაციების შემდეგ კლასს მივმართავ, რომ ნარევი შესაძლოა იყოს ერთგვაროვანი და არაერთგვაროვანი. მაგალითად, თუ წყალში შაქარს ჩაყარით და კარგად მოეურეთ, შაქარი სადაც „გაქრება“ და მისი ნაწილაკების დანახვა შეუძლებელი იქნება. ნარევი, როდესაც სითხეში გახსნილია მცირე ზომის ნაწილაკები, რომლებიც თვალთ არ ჩანს და დაყოფებით ფსკერზე არ ილექება, ხსნარი ეწოდება, ხოლო ნარევი, რომელშიც შეგვიძლია შევადგენელი ნაწილაკების დანახვა - არაერთგვაროვანი ნარევი ეწოდება (2 წთ.).

შემდეგ დაფაზე ვკიდებ წინასწარ მომზადებულ სქემას.



მოსწავლეებს ვთხოვ, ყოფა-ცხოვრებიდან შესაბამისი მაგალითები გაიხსენონ (2 წთ.). ვეუბნები, რომ შესაძლებელია ნარევის დაყოფა კომპონენტებად, რაშიც ნარევი შემავალი ნივთიერებების თვისებების ცოდნა დაგვეხმარება, მაგალითად: აგრეგატული მდგომარეობა, წყალში გახსნის უნარი, წყალზე მძიმეა თუ მსუბუქი, მაგნიტით მოზიდვის უნარი, სიმკვრივე და სხვ.

მოსწავლეებს ვუხსნი, რომ რამდენიმე ნარევის დაყოფა კომპონენტებად ჩვენც შეგვიძლია და ამისთვის რამდენიმე ცდას ვატარებთ.

ექსპერიმენტის ჩასატარებლად კლასს დავეყოფ ჯგუფებად (მაგიდებზე, შესაბამისად, მომზადებული ექსპერიმენტის ჩასატარებლად საჭირო ჭურჭელი და მასალა).

**ცდა №1.** ხის ბურბუშეებისა და რკინის ფხვნილის გაცალკეება.

მოსწავლეებს ვთხოვ, ერთმანეთს შეურიონ ხის ბურბუშელს და რკინის ფხვნილი (ვიღებთ არაერთგვაროვან ნარევი). მოსწავლეებმა თვითონ უნდა შეარჩიონ აღნიშნული ნარევის გაცალკეების მეთოდი. მათ უნდა გამოიყენონ რკინის მაგნიტით მოზიდვის თვისება. რკინის ფხვნილს მაგნიტი მიიზიდავს, ხის ბურბუშელს - არა.

# „მათემატიკური სალონი“



115-ე საშუალო სკოლის (დირექტორი – ზვიად ქადარია) ახალგაზრდა პედაგოგი ლალი ჩიტაშვილი მრავალი საინტერესო ინიციატივისა თუ ღონისძიების ავტორია. წლის დასაწყისში, მისი თაოსნობით, მათემატიკური ნიჭით დაჯილდოებულ მოსწავლეთათვის შეიქმნა „მათემატიკური სალონი“, რომლის მუშაობის საჩვენებელი საღამო ჩატარდა სკოლაში.

მოსწავლეებმა საინტერესო სამყაროში გვაშთაბრუნეს. წამყვანებმა, XII<sup>3</sup> კლასის მოსწავლეებმა, სოფო სხირტლაძემ და გიორგი სანაიამ, კიდევ ერთხელ შეგვახსენეს, რომ მათემატიკა უძველესი მეცნიერებაა, ხოლო ფართო გზა თანამედროვე მათემატიკისაკენ მარტივი, სასკოლო ანბანური დებულებიდან იწყება. მათემატიკის სიმდიდრე განუზომელია, მაგრამ მისი არსის განსაზღვრა სულაც არ არის მარტივი. ამიტომაცაა, რომ სხვა საგნებთან შედარებით, ჩვენი თანატოლების უმეტესობას სწორედ ამ სირთულის გამო უჭირს მისი შესწავლა, ანდა იმდენად მიუწვდომლად მიიჩნია, რომ მასთან მიახლოებისგან იკავებს თავს. მათემატი-

კა მსოფლიო კულტურის ფენომენია, იგი დღეს ეკოლოგიურად სუფთა პროდუქტია, რომელსაც მთელ მსოფლიოში იყენებენ.

ბავშვებმა დასვეს შეკითხვა: „და მაინც, რა არის მათემატიკა?“, რაზეც სხვადასხვა მეცნიერთა გამოთქვამებით უპასუხეს: „მათემატიკა ოპტიმისტური ფილოსოფია და გონების მუსიკაა“ (ლობერგერი); „მათემატიკა – ყველა მეცნიერების დედოფალი“ (კარლ ფრიდრიხ გაუსი); „მათემატიკა კეთილი ფერიაა, მაგრამ მისგან შეგვიძლია მივიღოთ არა ჯადოსნური ჯოხი, არამედ სანდო და ზუსტი ინსტრუმენტი – მათემატიკური მეთოდები“ (პეტროვსკი).

ამის შემდეგ ოფიციალურად გაიხსნა საღამო მათემატიკური მარშით, რომლის სიტყვებიც მასწავლებელ ლალი ჩიტაშვილს ეკუთვნის.

VII<sup>4</sup> კლასის მოსწავლეებმა – ნინო ლორთქიფანიძემ, რუსუდან ანანიასვილი, ირაკლი ჩხაიძემ, ანა ჟღენტმა, ნია ვატიტაძემ, ჯუმბერ ბერიძისვილი, სალომე ჯანელიძემ და ანა გოგიჩაიშვილი წარმოგვიდგინეს ლამაზი ინსცენირება – მც-

რედენი ინფორმაცია მოგვანოდეს ერატოსტენეს საცერის შესახებ.

X<sup>1</sup> კლასის მოსწავლეებმა – ნინო დვალაძემ, ანა გელიაშვილმა, ნათია ვერულიძემ, გვანცა მუშველაშვილმა, ქეთი მექერიფილიძემ, თამარ ფილაურიძემ, ნინო აბულაშვილმა, მარი ელიბაშვილმა, თაკო ბიჩინაშვილმა და თამუნა გამყრელიძემ წარმოადგინეს პრეზენტაცია სიმეტრიაზე.

დამსწრე საზოგადოება მოხიბლა სიმეტრიის ელემენტებზე აგებულმა ცეკვამ, რომელიც XII კლასის მოსწავლემ, შორენა ჯაფარიძემ დადგა.

XII<sup>2</sup> კლასის მოსწავლეებმა – სოფო სხირტლაძემ, ნინო ქადარიამ, თათა ოზმანოვამ, ეკა ქვრივიშვილმა, ლანა ნადაშვილმა, სალომე ბარდნაშვილმა, გიორგი სანაიამ, შოთა ორდენიძემ და შორენა ჯაფარიძემ ამომწურავი ინფორმაცია მოგვანოდეს ფრაქტალების შესახებ და აგვისსნეს, რომ ფრაქტალები უსასრულო ნიბოებისაგან შემდგარი გეომეტრიული ფიგურებია, პარალელურად, ეკრანზე კომპიუტერის საშუალებით, შუქდებოდა ფრაქტა-

ლები და მათი აგების პრინციპები. საღამო დასრულდა ბავშვების მიერ შესრულებული ჰიმნით „მრავალუამიერ მათემატიკა“, აფრიალდა მათი წარმოსახვით შექმნილი მათემატიკური დროშა.

სცენაზე უხვად იყო წარმოდგენილი თვალსაჩინოებები ფრაქტალებსა და სიმეტრიაზე.

ღონისძიებას ხიბლი შემატა მუსიკალურმა გაფორმებამ, რომლის შემოქმედიც პედაგოგი ია გალდავა.

ეს დღე იქ დამსწრე საზოგადოებისათვის მრავალი ინფორმაციის

მიმცემი იყო. რაც მთავარია, გზა დაელოცა ლამაზ ტრადიციას, რაც ახლად შექმნილი კლუბის „მათემატიკური სალონის“ საინტერესო მუშაობით გამოიხატება.

სკოლის პედაგოგებმა, მშობლებმა და მოსწავლეებმა დიდი მადლობა გადაუხადეს პედაგოგ ლალი ჩიტაშვილს, რომელმაც კიდევ ერთი საინტერესო დღე აჩუქა სკოლას.

**ლია კვიციანი**  
დირექტორის მოადგილე  
სასწავლო დარგში



## მითოდია

**ვაკეთებთ დასკვნას:** ნარევი არაერთგვაროვანია, რადგან მასში შემავალი ნაწილაკების გარჩევა შეუძლებელია. რკინას აქვს თვისება მიეზიდოს მაგნიტს (2 წთ.).

**ცდა №2. წყალში გახსნილი ცარცის ფხვნილის გამოცალკევება.**  
მოსწავლეები წინასწარ მომზადებულ ცარცის ფხვნილს ჩაყრიან წყალში, მოუღრევენ მინის ნკირით, წყალი შეიმღვრევა.

ბავშვები დააკვირდებიან ნარევის და დაადგენენ, ერთგვაროვანია თუ არა (დაკვირვების შედეგად ასკვნიან, რომ ცარცის ფხვნილი წყალში კარგად არ იხსნება და მისი ნაწილაკების გარჩევა შესაძლებელია, ხოლო დაყოვნების შემდეგ ნაწილაკები ფსკერზე ილექება – ანუ ნარევი არაერთგვაროვანია).

შემდეგ ვინცებთ ნარევის კომპონენტებად დაყოფას. ამისთვის შტატივზე ვამაგრებთ შუშის ძაბრს, ძაბრში ვდებთ ფილტრის ქაღალდს, ხოლო ძაბრის ქვეშ ვდგამთ შუშის ჭიქას. ძაბრში ფრთხილად ვასხამთ ცარციან წყალს. ცოტა ხანში ჭიქაში სუფთა წყალი მოგროვდება, ხოლო ფილტრის ქაღალდზე ცარცის ფხვნილი დარჩება.

მოსწავლეებს ვეტყვი, რომ აღნიშნულ მეთოდს გაფილტვრა ეწოდება და ეს მეთოდი გამოიყენება იმ შემთხვევაში, როდესაც სითხეში მხვილი ნაწილაკებია გახსნილი, რომლებიც ფილტრის ქაღალდში ვერ აღწევს.

**ცდა №3. ქვიშისა და ხის ბურბუშელას ვაცალკევება.**  
მოსწავლეებს ვთხოვ, ერთმანეთს შეურიონ ხის ბურბუშელა და ქვიშა (ვიღებთ არაერთგვაროვან ნარევეს). შემდეგ ვთხოვ, გამოთქვან მოსაზრება, თუ როგორ შეეძლებოდა აღნიშნული ნარევის ვაცალკევებას. იმართება დისკუსია (2 წთ.). (სავარაუდოდ, მოსწავლეები მიაგნებენ სწორ მეთოდს, თუ ეს ვერ მოხდება, შესაბამისად, მასწავლებელი აძლევს ინსტრუქციებს).

ქვიშის და ხის ბურბუშელას ნარევის ვაცალკევებად მოსწავლეებმა ნარევი წყლით სავსე ჭიქაში უნდა ჩაყარონ. ქვიშა მძიმეა და ფსკერზე დაილექება, ხოლო ხის ბურბუშელა წყალზე მსუბუქია და ზედაპირზე ამოტივტივდება (2 წთ.).

**ცდა №4. წყალში გახსნილი მარილის გამოცალკევება (აღნიშნული ცდა, სასურველია, მასწავლებელმა ჩაატაროს სადემონსტრაციოდ მოსწავლეთა უსაფრთხოების მიზნით, რადგანაც სპირტქურის გამოყენებაა საჭირო).**  
ვიღებთ მარილს და ვყრივთ წყალში, ვურევთ. ვაკვირდებით ნარევის და ვადგენთ, რომ ნარევი ერთგვაროვანია, რადგანაც მარილის ნაწილაკების დანახვა შეუძლებელია.

შემდეგ მოსწავლეებს ვთავაზობ, გამოთქვან მოსაზრება, თუ როგორ შეეძლებოდა მარილის გამოცალკევებას. იმართება დისკუსია (2 წთ.).

(თუ მოსწავლეები ვერ მივლენ შესაბამის დასკვნამდე, ვთავაზობ ვაიხსენონ, თუ როგორ მოდის წვიმა, როგორ წარმოიქმნება ღრუბელი, წვიმის წყალი რატომ არის მტკნარი, თუ წყლის დიდი ნაწილი ზღვებიდან და ოკეანეებიდან ორთქლდება, სადაც მარილიანი წყალია).

საბოლოოდ ვასკენით, რომ მარილის გამოყოფა წყლიდან წყლის აორთქლებით შეუძლებელია. სადემონსტრაციოდ მარილის წყალხსნარს ვათავსებთ ცეცხლგამძლე ჭურჭელში, ვამაგრებთ შტატივზე და ქვემოთ ვანთებთ სპირტქურას. ხსნარი ვაცხელებ, ადუღდება და ნელ-ნელა აორთქლდება, ხოლო ჭურჭლის ფსკერზე მარილის კრისტალები დარჩება (7 წთ.).

ექსპერიმენტის დასრულების შემდეგ, შეჯამების მიზნით, მოსწავლეებს ვთხოვ უპასუხონ შემდეგ კითხვებს:

1. რა არის ნარევი?
2. რა არის ნარევი?
3. როგორია ერთგვაროვანი ნარევი?
4. როგორია არაერთგვაროვანი ნარევი?
5. რა მეთოდები გამოიყენება ნარევის კომპონენტებად დასაყოფად? (3 წთ.)

შემდეგ მოსწავლეებმა ჯგუფებში უნდა შეავსონ შემდეგი ცხრილი:

ნარევი	ნარევის ტიპი	ბაცალკეების მეთოდი	გამოყენებული თვისება
ხის ბურბუშელა და რკინის ფხვნილი			
ხის ბურბუშელა და ქვიშა			
ცარცის ფხვნილი და წყალი			
მარილი და წყალი			

(3 წთ.)  
ცხრილის შევსების სისწორეს ფრონტალური კითხვების საშუალებით ვამოწმებ. (3 წთ.)  
გაკვეთილის დასასრულს მოსწავლეებს მივცემ შესაბამის საშინაო დავალებას.

**ნათა გიჭიკაშვილი**  
ბიოლოგიის მეცნიერებათა კანდიდატი  
გაეროს ასოციაციის საერთაშორისო სკოლა

# სამხატვრო წრის პირველი ნაბიჯები

31 მარტს, თბილისის №19 საჯარო სკოლაში, ამავე სკოლის ბაზაზე არსებული მხატვრული წრის მოსწავლეების ნამუშევართა გამოფენა მოეწყო. თავისუფალ თემებზე შექმნილი ნამუშევრები მოსწავლეებმა, პედაგოგებმა და მონწილეულმა სტუმრებმა დაათვალიერეს. გამოფენაზე წარმოდგენილი იყო ფერწერული ტილოები, გობლენი, აკვარელი, გრაფიკული ნამუშევრები.

**მანანა ჩარგიშვილი**, დირექტორის მოვალეობის შემსრულებელი: რამდენიმე თვეა, სკოლის ბაზაზე აქტიურად ფუნქციონირებს სამხატვრო წრე, რომელსაც მხატვარი, ქალბატონი **ნინო განაგა** ხელმძღვანელობს. სწორედ მისი ინიციატივით სკოლის ნულოვან სართულზე მოეწყო სამხატვრო კაბინეტი. შეძლებისდაგვარად, ჩატარდა სარემონტო სამუშაოები და შეიქმნა მოსწავლეთათვის ხელსაყრელი სამუშაო გარემო. სამომავლოდ სურვილი გვაქვს, ჩამოვყალიბოთ სამხატვრო სტუდია, ამისთვის, სერიოზული სარემონტო სამუშაოება ჩასატარებელი. მომავალ სასწავლო წელს ვაპირებთ სკოლაში არჩევით საგნად სახელობო სწავლებაში ხატვის გაკვეთილები შემოვიტანოთ. იმედია, სამხატვრო სტუდიის ბაზის სრულყოფისათვის განათლებისა და მეცნიერების სამინისტრო გარკვეულ მხარდაჭერას გაგვიწევს.

დღევანდელი გამოფენა ნათელი

მაგალითია იმისა, თუ როდენ დიდი ინტერესით ეუფლებიან ჩვენი მოსწავლეები ხატვას. იმედია, მათ სკოლის სხვა მოსწავლეებიც მიბაძავენ.

**ლუკა მაისურაძე**, II კლასის მოსწავლე: დღევანდელ გამოფენაზე ფერად-ფერადი ფანქრებითა და გუაშებით შესრულებული ნამუშევრები წარმოვადგინე. ძალიან მიხარია, რომ ჩვენს სკოლაში სამხატვრო წრე ფუნქციონირებს. ხატვა ძალიან მიყვარს, ამიტომ დიდი მონდობითა და გულსყურით ვეკიდები ყოველ ახალ გაკვეთილს.

**ბექა ფიცხელაური**, IV კლასის მოსწავლე: ხატვა ძალიან მიყვარს, ხატვის წრეზე ორი თვეა დავდივარ და ძალიან კმაყოფილი ვარ. მიხარია, რომ გამოფენაზე ჩემი ნამუშევრებიც არის წარმოდგენილი. მინდა მხატვარი გამოვიდე.

**სოფო დანელია**, IV კლასის მოსწავლე: ექვსი თვის წინ, როცა ხატვის წრეზე მოვედი არც ისე კარგად ვხატავდი, თუმცა ამ ხნის განმავლობაში იმდენი რამ ვისწავლე, რომ ჩემი ნახატები გაცილებით უფრო ლამაზია. დღევანდელი გამოფენისთვის ბალერინები დავხატე. მიხარია, რომ ჩემს ნახატებს ჩემი მეგობრები და ახლობლები დაათვალიერებენ და შეაფასებენ.

**მარიამ დანელია**, V კლასის მოსწავლე: ბელურები გამოფენისთვის სპეციალურად დავხატე, საერთოდ ძალიან მიყვარს ფრინველებისა და



ცხოველების ხატვა. მიხარია, რომ სკოლაში სამხატვრო წრე მუშაობს, სადაც კვირაში სამჯერ დიდი სიხარულით დავდივარ. ნინო მასწავლებელი მხატვრობისა და მხატვრების შესახებ ძალიან ბევრ საინტერესო ამბავს გვიყვება და ოსტატურად გვასწავლის მხატვრის მეთოდებს.

**ლიკა დილარიანი**, IV კლასის მოსწავლე: ფანქრით ხატვა მიყვარს, ძირითადად პეიზაჟებს ვხატავ. გამოფენაზე ზამთრის პეიზაჟი წარმოვადგინე, რომელიც ჩემი ნახატებიდან განსაკუთრებით მომწონს. ხატვის წრეზე სიარულმა

ბევრი რამ მასწავლა, მალე გობელენის შესწავლას დავიწყებ, რაც ძალიან მახარებს.

**ნინო განაგა**, სამხატვრო წრის ხელმძღვანელი: თიანეთის საჯარო სკოლასთან პარტნიორული ურთიერთობა გვაკავშირებს. რამდენიმე დღის წინ სამხატვრო წრის ორი მოსწავლე თიანეთის საჯარო სკოლაში წავიყვანე, სადაც თქვაზე მუშაობას გაეცნენ. მომავალში ასეთი პარტნიორული ურთიერთობები სხვა სკოლებთანაც გვაქვს დაგეგმილი. დღევანდელ გამოფენაში სამხატვრო წრის ყველა ბავშვის ნამუშევარი გამოფენით.



ვარი გამოფენით. თითოეული მათგანი ხატვის მიმართ განსაკუთრებულ მონდობასა და ინტერესს იჩენს. ძალიან დაინტერესათ გობელენზე და თქვაზე მუშაობამ, მალე თიანეთი ტერნვასაც დავიწყებთ და ვფიქრობ, ესეც კარგად გამოუვათ. წინ საინტერესო გეგმები გვაქვს, სამხატვრო სტუდიის ჩამოყალიბება ბევრ ნიჭიერ მოსწავლეს აღმოვაჩენინებს, რაც საშუალებას მოგვცემს უფრო საინტერესო და ფართომასშტაბიანი გამოფენები მოვანყოთ.

მაკა ყიფიანი



## საორბი

# 16-იანებში „მართვეები“ ყოჩაღობენ

კალათბურთელთა საქართველოს ასაკობრივი პირველობები ნელ-ნელა დასასრულს უახლოვდება და ზოგან ფლეი ოფში გამსვლელი გუნდების ნაწილიც გამოვლინდა.

16-წლიანთა ჩემპიონატში ფლეი ოფის მონაწილე ორი გუნდი გამოვლინდა – „მართვე-4“ და „მართვე-3“. „მართვე-4“ უკვე დაამთავრა ასპარეზობა და ეს უფლება ბოლო მატჩში „ქუთაისის“ დამარცხებით მოიპოვა – 68:65. იმერლებმა თავიდან შედარად შეუტყის მასპინძლებს და პირველი პერიოდი 16:7 მოიგეს. დაბნეული თბილისელები თანდათან გამოფხიზლდნენ, რაშიც დიდი როლი ამ თამაშის გმირმა, 1993-წლამდელთა ნაკრების წევრმა, **ლევან ლოლიშვილმა** შეასრულა. ის ახლო თუ შორი დისტანციიდან ერთნაირად ზუსტად ისროდა, რის ხარჯზეც მისი გუნდი თანდათან დაუზღოვდა წინ გაჭრილ სტუმრებს, რომლებმაც ტაიმი 32:26 მოიგეს. დიდი შესვენების შემდეგ ლოლიშვილს **ალექო ჩოჩიაშვილ** აუბა მხარი და მესამე პერიოდი თბილისელებმა სოლიდური უპირატესობით – 27:11 მოიგეს და საერთო ანგარიშშიც დანინაურდნენ – 53:43. თითქოს ეს მომენტი გარდამტეხიც უნდა ყოფილიყო, მაგრამ სტუმრები ასე იოლად დანებებას არ აპირებდნენ, თამაშის მიწურულს მასპინძლებს შტურმიც შესთავაზეს და, დამთავრებამდე 14 წამით ადრე, **ლევან გრძელიძის** და **დავით იაშვილის** კარგი თამაშით ანგარიშიც გაათანაბრეს – 65:65. ამ კრიტიკულ მომენტში თბილისელთა თავკაცმა, **ზვიად დიდბარიძემ** ნუთქესვენება ითხოვა, თუმცა არც თამაში გაჩერებულა და არც წამზომი ჩართულა. არბიტრმა თამაში ოდნავ მოგვიანებით გააჩერა, რამაც ქუთაისელთა მწვრთნელი **მალხაზ კობრიძე** აღაშფოთა და გადმოვარდნილ ბურთს ფეხი ამოჰკრა, რისთვისაც ტექნიკური ჯარიმით დაისაჯა, თამაშის განახლების უფლება „მართველებმა“ მიიღეს. არსებითად, თამაშიც აქ დამთავრდა, რადგან თბილისელებმა შანსი უპრობლემოდ გამოიყენეს და შეხვედრაც მოიგეს. აღსანიშნავია, რომ ამ თამაშში ლოლიშვილმა 31 ქულა დააგროვა, რასაც 12 მოხსნაც დაურთო. საყურადღებოა ჩოჩიაშვილის 22 ქულაც.

ფლეი ოფში თამაში გაინაღდა **ხათუნა გაბედავას** „მართვე-3“-მა, რომელმაც ლიდერისა და მწვრთნელის გარეშე დარჩენილი „მართვე-1“ გამოიჭირა – ავადმყოფობის გამო დარბაზში ვერც ერთი ვერ მივიდა. გაბედავას დამოძღვრილმა „მართველებმა“ უთავოდ დარჩენილ მეტოქეს 81:63 მოუგეს. მათ აქტივში ერთი თამაში კიდევ რჩებათ – ჯერაც მოუგებელ აფხაზეთის ნაკრებთან და რეგულარულის მოგების ჩინებულ შანსსაც ინარჩუნებენ.

ფლეი ოფის დარჩენილ ორ საგ ზურზე სამი პრეტენდენტია – 51-ე სკოლა, „მართვე-1“ და „ქუთაისი“. ყველაზე უკეთეს მდგომარეობაში იმერლები იმყოფებიან, რადგან ორივე კონკურენტს შინ იღებენ. ამასთან, თბილისელებმა ერთმანეთშიც უნდა ითამაშონ და ძნელი მისახვედრი არაა, ამათში დამარცხებულ ფლეი ოფს რომ დაემშვიდობება.

18-წლიანთა ჩემპიონატშიც ფლეი ოფის ორი მონაწილე გაირკვა – „აკადემია“ და „დინამო“. ამათგან აკადემიელებმა უკვე დაასრულეს რეგულარული, „დინამომ“ კი ეს უფლება ბოლო ტურში უშუალო კონკურენტის – I ექსპერიმენტული სკოლის გუნდის დამარცხებით მოიპოვა – 91:85. აღსანიშნავია, რომ მოგებულები თავიდან აქაც აგებდნენ, მაგრამ **გივი ბაქრაძის** კარგი თამაშით (26 ქ) გაიმარჯვეს. დინამოელებს მარაგში ორი თამაში დარჩათ და ამდენად, რეგულარულის მოგებაც შეუძლიათ, ფლეი ოფის დარჩენილ ორ საგ ზურზე კი პრეტენზიას „რუსთავი“, „ენერჯი“ და I ექსპერიმენტული სკოლა აცხადებენ. დაგვეთანხმებით, აქ ყველაზე მნიშვნელოვანი ექსპერიმენტული სკოლისა და რუსთაველთა შეხვედრა იქნება. რუსთაველებმა წინა ტურში „მართვე-1“-ს პრინციპული მატჩი მოუგეს – 81:72, რაც, ძირითადად, **აკაკი დვალაშვილის** ჩინებული თამაშის შედეგია – 45 ქულა და 24 მოხსნა.

20-წლიანთა პირველობაც რუსთაველთა დომინაციით მიმდინარეობს – ფლეი ოფის საგ ზური კარგა ხნის წინ გაინაღდეს. არსებითად, გარკვეულია იმ გუნდების ვინაობაც, რომ-



ლებიც მედლებისთვის ბრძოლას გააგრძელებენ – „აკადემია“ ამ, „მაკაბი“, „მართვე“ და „სამედიცინომ“ 18-18 ქულა დააგროვეს, ოღონდ ეგაა – ამ თოხელში ერთი ზედმეტია. რაც შეეხება „ქუთაისს“, ის დიდი ხნის წინ გამოეთხოვა შემდეგ ეტაპზე ოცნებას.

აღნიშნულ კვარტეტში ყველაზე კარგ მდგომარეობაში „აკადემია“, რომელსაც მარაგში ყველაზე მეტი შეხვედრა დარჩა.

ირაკლი თამაძე

**ახალი განათლება**  
მთავარი რედაქტორი: მარიკა ჩიქოვანი

მისამართი: ტაბატაშვილის №3 ტელ.: 95-80-23, 890 958023, 855 411668, 855 178027.  
E-mail: axaliganatleba@gmail.com, ganatleba@mail.ru  
რეგისტრაციის № 2/4-1609, ინფორმაცია ხელმოწერისთვის: 76096  
გაზეთი რეგისტრირებულია დიდუბის რაიონის სასამართლოს მიერ.  
რედაქციაში შემოსული ხელნაწერები არ რეცენზირდება და ავტორებს არ უპრუდებათ.

რედაქციის რეკონსტრუქცია:  
საპრეტვილუს ბანკი  
გ/კ 220101502,  
ს/კ 202058735,  
ა/ა 123631000